

通鑑彙鑰序


史學之興其來久矣上下數千
百年載籍最稱繁博讀史者恒
患未徧矧於知其要乎是故童
而習之白首而罔得者有以也
近因稽覽之餘偶得翰苑諸名
公所作史義則見其言簡而事

盡詞約而理精蓋皆讀史有得而揭其要以示人者顧各發其所見而未及槩其全耳輒與同志分類比合萃為一編始之國統以著離合之幾繼之世系以明授受之次括之叙歌以表年代之殊參之論紀以核治亂之

實定之評品以究得失之歸先後有倫善惡兼載若物之斂于橐而貯之不遺也若物之司于鑰而啓之有自也爰命之曰通鑑橐鑰謂會其要而錄之也幼學之士能由此而熟之則雖未能盡悉其事而亦可以得其梗


槩雖未能盡玩其詞而亦可以
 竊其精華白首罔得之患亦庶
 乎其少免矣若夫標題以備遺
 忘則有巨漚一覽諸書在未暇
 復贅於斯云嘗
 嘉靖辛亥仲秋望日梓于
 婺東鱗溪書堂

歷代帝王



傳授之圖

大明萬萬世



後梁—後唐—後晉—後漢—後周

宋—南宋—元

蜀吳閩楚
吳南南後南北
 越漢平蜀唐漢
 遼—金

通鑑彙編卷之一

歷代史官

叙曰通鑑節要一書少微江先生之所作也若司馬遷之史記

班固之西漢書范曄之東漢書陳壽之三國志唐太宗之晉書

沈約之宋書蕭子顯之南齊書姚思廉之梁陳書魏收之後魏

書李百藥之北齊書崔仁師之後周書魏徵之隋書李延壽之南

北史劉煦之舊唐書歐陽脩之新唐書李沆之五代史陳桎之

宋史呂思誠之宋遼金三史張九韶之元史其大畧皆備於此矣

若蘇轍之古史劉知幾之史通司馬光之通鑑劉道源之外紀

金履祥之前編朱子之綱目商輅之進續綱目大畧與是書相

表裡也

歷代國號

歌曰天皇地皇人皇氏

名曰三皇居上世

太昊炎帝及軒轅

唐虞紹之為五帝

夏商周秦西東漢

後漢魏吳三國判

漢亡于魏魏禪晉

晉遂平吳天下混

擾西晉者為五胡

天下瓜分南北隅

南為東晉居江左

宋齊梁陳踵其都

北則五胡而後魏

東魏西魏分為二

東傳北齊西禪周

周又滅齊禪隋帝

隋能平陳海宇同

曾幾何時禪唐室

唐祚終兮為五季

梁唐晉漢周相繼

宋代周兮天下平

中南渡兮迫于金

誅金滅宋是胡元

南北混同九十年

自堯迫元幾春秋

三千七百二十四

帝王神器已有歸

大明接統萬萬世

評曰傳云君子大居正又云春秋大一統正者所以正天下之

不正者也統者所以合天下之不一者也堯舜之相傳三代之

相代或以至公或以大義皆得天下于正合天下于一無容議

也奈何周室東遷吳楚以夷狄而侵中國則帝王之正統于是

乎大亂矣自是而降戰國分爭凡五百餘年而合于秦秦皇不

道凡四十餘年而合于漢漢有天下四百餘年而歷三國合于

晉晉有天下二百八十餘年歷南北朝而合于隋隋纔三十餘年而合于唐唐則三百餘年也五代共五十餘年而合于宋宋亦三百餘年而合于元元則九十三年也作史者甲乙可否迨無定說惟朱子有言天下為一便是正統天下分裂便是析統斯足以折衷乎諸儒之論矣

三皇紀

三皇授受之次

盤古氏

生于太荒莫知其始

天皇氏

繼盤古而王一姓十三人其號取天開于子

地皇氏

繼天皇氏而王一姓十人其號取地關于丑

人皇氏

繼地皇氏而王一姓九人其號取人生于寅

有巢氏

燧人氏

叙曰三皇者其說始于周禮外史掌三皇之書其義取天開於

子地關于丑人生于寅之意也其君不然書契未興無從而考姑以六君之有據者記之也

歌曰鑿開混沌分天地

天地分從攝提歲

是生萬物人取靈

斯人之初盤古氏

天皇兄弟十三頭

歲各一萬八千周

地皇兄弟合十一

亦各一萬八千禩

人皇兄弟凡九頭

九兄弟者分九州

相傳一百五十世

四萬五千六百秋

三皇以後有巢出

構木為巢食木實

有巢世後燧人興

鑽燧改火教民食

論曰盤古之世信有之乎曰一氣太息震蕩無垠海宇交動山渤

川湮人物銷盡舊跡亡滅是謂鴻荒之世自太極既判兩儀肇分
盤古氏出名曰渾敦生于大荒莫知其始明天地之道達陰陽之
變此盤古所以繼天而出治也嗣後天皇氏出名曰天靈澹泊無
為而倍自化始制干支之名地皇爰定三辰是分晝夜人皇相厥
山川分為九區人居一方淳風沕穆萬物群生政教君臣所自起
飲食男女所自始有巢構木物無戕賊茹毛飲血草衣木食燧人
氏作教人烹飪鑽木取火作結繩之政君明臣良四佐並出熙熙
皞皞天下忘治焉

四德明由必百成德隆

評曰三皇之號有以天皇地皇人皇氏者見于秦博士之妄議有
以伏羲神農燧人者出于梁武帝之謬談有以伏羲女媧神農
者發于司馬貞之陋說紛紛不一皆非也今觀盤古氏之開混
茫天皇之作干支地皇之定三辰人皇之相山川有巢之教民
巢居燧人之教民火食循其名責其實則三皇可得而定也然
則三皇之號特紀世之名而此六君乃其傑出者也覆峰胡氏
之言不其然乎

五帝紀

五帝授受之次

伏羲

風姓在位一百十五年

神農

姜姓在位一百四十年

黃帝

姓公孫名軒轅在位一百年

少昊

別姓姬名摯黃帝之子在位八十四年

顓頊

姬姓黃帝之孫在位七十八年

帝嚳

姬姓名俊少昊之孫在位七年

帝堯

姬姓名放勳帝嚳之子在位七十二年

帝舜

姚姓名重華黃帝八代孫在位六十一年

叙曰五帝者其說始于家語孔子答宰我問五帝之德其義則

取于易繫辭所叙伏羲神農黃帝堯舜之意也其君不一然在位持世無有制作姑以八君之所行事者紀之也

歌曰粵自太昊包羲氏

首畫八卦造書契

女媧共氏暨無懷

風姓相傳十五世

後有神農號炎帝

始嘗百藥教耒耜

傳及榆罔姜姓終

八世五百二十歲

公孫軒轅為黃帝

衣裳而治法乾坤

金天少昊是其子

高陽顓頊是其孫

曾孫知譽號高辛

玄孫伊祁名放勳

放勳是為陶唐堯

禪于有虞其姓姚

重華其名舜其謚

舜又禪于夏后氏

論曰太昊伏羲華胥履攝德合上下明並日月爰制嫁娶禮以儷
皮為之網罟以佃以漁斷桐為琴繩絲為絃脩身理性樂音興焉
則象于河圖而立畫觀變于陰陽而立卦以通神明之德類萬物
之情蓋非特為万世文字之祖實開物成務之學也造化之秘泄
于此聖道之統亦始于此矣共工康回髦身朱髮舞智亂常天降
之罰自謂水德竊保冀方祝融與戰戮之而亡炎帝神農以火德
王教稼穡而農事興作方書而醫道立其倍樸重端慤其民敦化
忘治始列廛于國中為市致天下之民聚天下之貨交易而退
各得其所黃帝有熊生而神靈弱而能言三史而紀言行得六相
而天下治命大撓作甲子命容成作蓋天因五量治五氣起消息
察發欽以作調曆歲紀甲寅日紀甲子而時節定迎日推策造十

六神歷積邪分以置閏配甲子以設節于是時惠而辰從命隸首
作筭數命伶倫作律呂畫野分州經土設井禮可制樂可作實一
元文明之漸也昔之穴居野處者今始有宮室昔之汗樽枉飲者
今始有什噐昔之結繩而治者今始有書契昔之皮革蔽体者今
始有冠服通變而不倦神化以宜民垂衣裳而天下治至治氤氳
德澤旁流鳳凰巢阿麒麟遊郊盛矣哉大同之世也少昊金天鳳
鳥適至通山川之風作大淵之樂及其衰也九黎亂德災禍荐至
顓頊繼之乃命南正重司天以屬神北正黎司地以屬民絕地通
天無相侵瀆華九黎之亂神人不雜萬物有序民安其生焉帝嚳
高辛聰以知遠明以察微仁而威惠而信執中而徧天下子摯嗣
之不善脩政諸侯廢之而尊堯爲天子帝堯陶唐火德是王其仁
如天其知如神就之如日望之如雲茅茨不剪櫟楠不斲大羹不
和粢食不殺金銀珠玉不飾錦繡文綺不展玩好之噐不寶淫泆
之樂不聽仁昭而義立德普而化廣書稱之曰欽明文思安安允
恭克讓此帝之心法也至于克明峻德以親九族則身脩而家齊
矣九族旣睦平章百姓則家齊而國治矣百姓昭明協和万邦則
國治而天下平矣聖經明德二字實自堯發之大學八條目亦始
于此中者天下之大本而堯之授舜曰允執厥中聖經中之爲義
亦自堯發之中庸九經亦始于此然則開萬世聖學之源者非堯
之功而何堯老舜攝爰輯五端審察璣衡祀天巡狩封山濬川奉
元愷命九官去四凶歌南薰而天下大服此數君者有先天地開
闢之仁有後天地制作之義民至于今受其賜也

評曰自光岳之氣分而天下無全才自唐虞之世遠而天下無
至治故論至治者必歸之唐虞之時論全才者必歸之唐虞之
人想是時鳳凰巢于庭而人視爲馴禽麒麟遊于囿而人玩爲
擾獸故人雖皆全才而咸相忘于至禮不讓之地世雖號極治
而竟相忘于帝力何有之天一時人才之盛豈後世所能及哉是
故洪水橫流懷山襄陵天下之民苦于無居矣禹也視民之溺
由已溺之由是而驅民排決之率使九州同而人民安也汗樽
杯飲茹毛飲血天下之民苦于無食矣稷也視民之饑由已饑
之由是而教民稼穡之率使五谷熟而人民育也百姓不親五
品不遜民歲爲禽獸矣于是而有契以敷五教以擾兆民民皆
禮義之是由也蚩夷猾夏寇賊奸宄民歲爲犬羊矣于是有皋
陶以明五刑以弼五教民皆有司之不犯也草木蕃于山林禽
獸交于中國不有伯益以作虞則山澤之利無自而興鳥獸之
害無自而除矣他如夷夔之典禮樂禮而備樂和義和以掌曆象
而曆明象應垂為共工而庶事孔脩龍作納言而帝命惟允所
舉者十六相所咨者十二牧則一時致治之美者皆一時全才
之力也噫尚論唐虞之治者當知所本矣

唐虞治

評曰以天下之大聖成天下之大治此亘古今而一見者也蓋
聖而至於堯舜聖之大者也治而至于唐虞治之大者也故孔
子序書而斷自唐虞孟子告君而必稱堯舜則其所以立法垂
訓于天下也至矣今夫欽明文思允恭克讓者堯之德也人徒

其光彼四表格于上下而已而不知其所以治者此德爲之權
輿濬哲文明溫恭允塞者舜之德也人徒知其光天之下至于
海隅而已而不知其所以治者此德以爲之根抵是以九族旣
睦瞽瞍底豫家以齊也百姓昭明黎民敏德國以治也百工允
厘群后德讓朝廷正也萬邦協和四方風動天下平也蓂莢之
祥天心格也而景星慶雲之瑞適與之相契南風之詩人心感
也而康衢擊壤之謠適與之相值仰焉而七政齊則洪水滔天
者無有也俯焉而萬物遂則黎民阻飢者無有也內焉而邇人安
則寇賊奸宄無有也外焉而遠人格則蠻夷猾夏者無有也以
言其禮樂而禮備樂和以言其刑政而刑清政舉以言其風俗
而風淳俗美以言其海宇而海清宇寧巍乎蕩乎其所以
爲天地立心乎其所以爲生民立命乎其所謂亘古今而一見
者乎不然何堯舜垂衣裳而天下治彼聖人則演于易雍熙大
和在宇宙間而儒者則紀于傳也然則有志治者宜如何亦曰
法堯舜而已矣

評曰皇者初冒天下者也帝者主宰天下者也自燧人氏而上
即三皇之世也庖羲神農黃帝堯舜五君者有先天地開創之
仁有後天地制作之義民到于今受其賜故孔子稱之黃帝之
後少昊顓頊高辛雖帝天下孔子所以越而遺之必稱堯舜者
以三君居位僅可持世而已未嘗有制作以貽萬世故也然則
五帝之名實不亦定乎

總論

唐虞君

評曰大哉帝堯湯也乎難名君哉帝舜魏也乎難及昔孔子常
以堯舜並稱之者何哉蓋千聖一心萬古一道同此心則同此
道矣是故君道莫大乎仁智而其仁如天其德好生同一仁也

其智如神其智好察同一智也初不假于修爲君道莫先乎勤
儉而兢兢行道業業致孝同一勤也抵璧于山投珠于谷同一
儉也亦無事于勉強君道以敬天爲本而四時之定七政之齊
皆所以治曆而明時其同一敬天乎君道以用賢爲尚而四岳
之咨九官之命皆所以脩政而立事其同一用賢乎衢室之問
總章之訪求道同也允執之言精一之訓傳道同也心無徃而
非道道無徃而不同所謂相授受者守一道此也所謂繼治世
者其道同此也抑斯道也不以堯舜而有不以後人而無循之
則治悖之則亂失之則亡此堯舜所以爲萬世之法乎此人皆
可以爲堯舜也若夫內多欲而外施仁義者安足以語此

唐虞臣

評曰自光岳之氣分而天下無全才自唐虞之世遠而天下無
至治故論至治者必歸之唐虞之時論全才者必歸之唐虞之
人想是時鳳凰巢于庭而人視爲馴禽麒麟遊于囿而人玩爲
擾獸故人雖皆全才而咸相忘于至禮不讓之地世雖號極治
而竟相忘于帝力何有之天一時人才之盛豈後世所能及哉是
故洪水橫流懷山襄陵天下之民苦于無居矣禹也視民之溺
由已溺之由是而驅民排決之率使九州同而人民安也汗樽
杯飲茹毛飲血天下之民苦于無食矣稷也視民之饑由已饑
之由是而教民稼穡之率使五谷熟而人民育也百姓不親五
品不遜民歲爲禽獸矣于是而有契以敷五教以擾兆民民皆
禮義之是由也蚩夷猾夏寇賊奸宄民歲爲犬羊矣于是有臯
陶以明五刑以弼五教民皆有司之不犯也草木蕃于山林禽
獸交于中國不有伯益以作虞則山澤之利無自而興鳥獸之
害無自而除矣他如夷夔之典禮樂禮而備樂和義和以掌曆象
而曆明象應垂為共工而庶事孔脩龍作納言而帝命惟允所
舉者十六相所咨者十二牧則一時致治之美者皆一時全才
之力也噫尚論唐虞之治者當知所本矣

唐虞治

評曰以天下之大聖成天下之大治此亘古今而一見者也蓋
聖而至於堯舜聖之大者也治而至于唐虞治之大者也故孔
子序書而斷自唐虞孟子告君而必稱堯舜則其所以立法垂
訓于天下也至矣今夫欽明文思允恭克讓者堯之德也人徒

其光彼四表格于上下而已而不知其所以治者此德爲之權輿濬哲文明溫恭允塞者舜之德也人徒知其光天之下至于海隅而已而不知其所以治者此德以爲之根抵是以九族旣睦瞽瞍底豫家以齊也百姓昭明黎民敏德國以治也百工允厘群后德讓朝廷正也萬邦協和四方風動天下平也蓂莢之祥天心格也而景星慶雲之瑞適與之相契南風之詩人心感也而康衢擊壤之謠適與之相值仰焉而七政齊則洪水滔天者無有也俯焉而萬物遂則黎民阻飢無有也內焉而邇人安則寇賊奸宄無有也外焉而遠人格則蠻夷猾夏者無有也以言其禮樂而禮備樂和以言其刑政而刑清政舉以言其風俗而風淳倍美以言其海宇而海清宇寧巍乎蕩乎其所以爲天地立心乎其所以爲生民立命乎其所謂亘古今而一見者乎不然何堯舜垂衣裳而天下治彼聖人則演于易雍熙大和在宇宙間而儒者則紀于傳也然則有志治者宜如何亦曰法堯舜而已矣

表其變而已矣

味其宇宙間而謂皆與臨于轉出然俱有斯合皆宜或可亦曰
昔乎不然何其變垂衣裳而天可命斯聖人與歲于長靈烈大
為天此立心乎其故以為出月立命乎其故謂自古今而一具

通鑑索鑰卷之二

夏紀

夏王授受之次

大禹 姓似黃帝三代孫
在位二十七年

太康 塔之子也在
在位二十九年

帝相 仲康之子在
在位二十七年

帝杼 少康之子在
在位一十七年

帝芒 帝槐之子在
在位一十八年

不降 帝泄之子在
在位五十九年

帝廑 帝局之子在
在位二十一年

帝臯 孔甲之子在
在位一十一年

帝啓 禹之子也
在位九年

仲康 太康之弟在
在位一十三年

少康 帝相之子在
在位二十二年

帝槐 帝杼之子在
在位二十六年

帝泄 帝芒之子在
在位一十六年

帝局 不降之弟在
在位二十一年

孔甲 不降之子在
在位三十一年

帝發 帝臯之子在
在位一十三年

履癸

帝發之子在位五十二年

叙曰夏有天下始于禹中微于太康復于少康敗于履癸其君十七其歷年則四百五十八也

歌曰禹啓太康與仲康

帝相少康杼槐芒

泄不降扃厖孔甲

帝臯帝發履癸亡

家天下者始夏禹

取天下者始成湯

論曰大禹克勤于邦克儉于家聲為律身為度開九州通九道陂九澤度九山乃錫玄圭告厥成功及其即位也任臯陶伯益以國政懸鐘鼓磬鐸鞀以待四方之士建旌旗旂旒以別尊卑之等貽典則以立萬世之準興學校以重明倫之教泣罪人而痛百姓之異心絕旨酒而知後世以亡國後之人觀河洛者思禹功見舞大

夏者稱禹德甚美聖澤之入人深也禹崩啓立繼世以有天下後世不傳賢而傳子實自此始有扈氏威侮五行怠棄三正啓召六卿以征之大戰于甘故書有甘誓太康即位以逸豫滅厥德敗于有洛之表十旬弗反后羿因民弗忍距于河厥弟五人作歌以怨之故書有五子之歌仲康肇位四海首命胤侯掌六師惟時羲和沉湎于酒遐棄厥司王命征之故書有胤征子相繼立為羿所逐居于商丘家臣寒浞復戕羿于豷而自立浞因羿室生澆及豷弑夏后相后緡方娘逃出自竇歸于有仍生少康焉少康長奔有虞有虞妻之二姚邑諸綸有田一成有衆一旅能布其德而兆其謀以收夏衆滅澆於過滅豷於戈復禹之績祀夏配天不失舊物後之言中興者自少康始馴至孔甲不務脩德諸侯多叛又傳而至

履癸暴戾頑狠貪霍荒淫為傾宮瑤臺以殫百姓之財脯林酒地以滋妹喜之樂天下顛然成湯伐之奔于三朶放于南巢惡謚為桀天祿永終矣

評曰後之言家天下者以禹為始言中興者以少康為始推原其故均之為克勤克儉而已是故帝啓之征有扈仲康之討羲和少康之澆犍就戮帝泄之六夷復從皆是道也彼畋獵于洛則太康招羿浞之兵豢龍于宮則孔甲致諸侯之叛惑志于妹喜瓊瑤其宮臺酒脯于池林則履癸來成湯之征矣嗚呼皇祖有言曰內作色荒外作禽荒其酒嗜音峻宇雕牆有一于此未或不亡桀兼而有之欲不亡也得乎有天下者三復之可也

商紀

商王授受之次

成湯

姓子名履皇帝之後在位十三年

太甲

湯之孫太丁之子在位三十三年

沃丁

太甲之子在位二十九年

太庚

太甲之子在位十五年

小甲

太庚之子在位十七年

雍己

小甲之子在位十二年

太戊

雍己之子在位七十五年

仲丁

太戊之子在位十三年

外壬

仲丁之子在位十五年

河亶甲

外壬之子在位九年

祖乙

河亶甲之子在位十九年

祖辛

祖乙之子在位十六年

沃甲

祖辛之子在位二十五年

祖丁

祖辛之子在位三十二年

南庚

沃甲之子在位二十五年

陽甲

祖丁之子在位七年

盤庚

陽甲之子在位二十八年

小辛

盤庚之子在位二十一年

小乙

小辛之子在位二十八年

武丁

小乙之子在位五十九年

祖庚武丁之子

祖甲祖庚之弟

廩辛祖甲之子

庚丁祖甲次子

武乙庚丁之子

太丁武乙之子

帝乙太丁之子

紂名受辛帝乙之子

叙曰商有天下始于成湯中微于陽甲興于武丁敗于受辛其

君二十八其歷年則六百四十四也

歌曰成湯太甲并沃丁

太庚小甲雍已承

太戊仲丁外壬立

河亶甲兮祖乙興

祖辛沃甲祖丁繼

南庚陽甲與盤庚

小辛小乙武丁續

祖庚祖甲兼廩辛

庚丁武乙太丁嗣

帝乙至紂國祚湮

盤庚以前為商號

盤庚以後號為殷

論曰成湯懋昭大德克配上帝代嗇以寬兆民允懷始改正朔迺

作大濩鑄荏山之銅以為幣取苑囿之物以供祭七年大旱六事

自責而大雨時至湯崩太甲即位不明厥德顛覆湯之典刑伊尹

放之於桐三年自怨自艾處仁遷義伊尹以冕服奉鬯王歸于亳

雍已之世商道寢衰太戊脩先王之政明養老之禮早朝晏退問

疾吊喪三日而祥桑枯死三年而遠方重譯以至者七十六國仲

壬河亶甲祖乙各徙其都盤庚復歸于亳居湯之都行湯之政商

道復興諸侯來朝小辛小乙時又不兢武丁恭默思道夢帝賚以

良弼乃以形旁求于天下得傳說于版築之間爰立作相君臣道

合政事脩舉今觀說命三篇其論學之辭諄勤懇切此學之以為

王者之事，尤商一代之家法。自成湯學於伊尹，以洪其源。至傳說相高宗，以浚其流。誠有非後世所能及者矣。迨其衰也，祖甲以荒淫而召亂，武乙以射天而震死。太丁之世，公季為牧師焉。帝乙不立微子啓而立紂，紂之為人，聞見甚敏，材力過人，智足以拒諫，言足以飾非，作朝歌之音，比里之舞，靡七之樂，長夜之飲，燎焚天下之財，罷苦萬民之力。書曰：「斲朝涉之脛，剖賢人之心。」作威殺戮，毒痛四海。周武王觀政于商，紂不悛，廼觀兵孟津，大會諸侯，逾于商郊。紂之前徒倒戈，武王一戎衣而天下大定。商祚移于周矣。評曰：商王家法，詩書載之詳矣。惟據史所紀，則河決之患，惟商為甚。得賢之助，惟商為最。是故仲丁之遷于囂，囂置甲之遷于相，祖乙之遷于耿，盤庚之復遷于亳，皆河決之患也。太甲之伊其沃丁之咎單，太戊之巫咸，武丁之傳說，太丁之周公季，皆得賢之助也。彼陽甲之爭立，祖甲之淫亂，武乙之射天，受辛之敗亡，其亦不任賢而已矣。嗚呼！湯師一德而興，紂廢三仁而敗。仲丁以廢嫡而亂，帝乙以立嫡而亡。父子君臣之間，誠不可以不謹也。而河決則猶其次矣。

周紀

周王授受之次

文王

姬姓名昌，王季之子，受命九年。

武王

名發，文王之子，在位七年。

成王

名誦，武王之子，在位三十七年。

康王

名釗，成王之子，在位二十六年。

昭王

名瑕，康王之子，在位五十二年。

穆王

名滿，昭王之子，在位五十五年。

共王

名擊，穆王之子，在位十二年。

懿王

名囂，共王之子，在位二十五年。

孝王名辟方懿王之弟

夷王名癸孝王之弟

厲王名胡夷王之子

宣王名靜厲王之子

幽王名宮涅宣王之子

平王名宜白幽王之子

桓王名林平王之子

莊王名佗桓王之子

釐王名胡齊莊王之子

惠王名闞釐王之子

襄王名鄭惠王之子

頃王名壬臣襄王之子

匡王名班頃王之子

定王名瑜匡王之子

簡王名夷定王之子

靈王名泄心簡王之子

景王名貴靈王之子

敬王名丐景王之子

元王名仁敬王之子

貞定王名介元王之子

哀王名去疾貞定王之子

思王名罷貞定王之子

考王名嵬貞定之子

威烈王名午考王之子

安王名驕威烈王之子

烈王名喜安王之子

顯王名扁烈王之子

慎靚王名定顯王之子

赧王名延慎靚之子

東周君

叙曰周有天下基于文王始于武王中微于厲王興于宣王敗于赧王其君三十七其歷年八百七十三也

歌曰文武成康與昭穆

共懿孝夷厲宣幽

平桓莊釐惠襄頃

匡定簡靈景悼俸

敬元貞哀思考烈

安烈顯慎赧東周

威烈以後為戰國

平王以後為春秋

論曰周自后稷封帥公劉克篤前列古公積德行義季歷勤于王

家西伯受命征伐至于武王實始克商乃反商政政由舊散康臺
之財發鉅橋之粟大賚于四海而萬姓悅服傳稱武王之為君也
大之為洪範之陳而萬世彝倫之道明次之為丹書之戒而敬怠
義欲之辨者織之為九府圜法之立而泉貨之利通報本反始則
崇追祭祀之禮垂裕後昆則立教世子之法至于建官則惟賢也
位事則惟能也重民五教而民食喪祭之加謹惇信明義而崇德
報功之兼盡此其所以垂拱而天下治與周公相成王兼三王之
事監二代之文事為之制曲為之防君臣同德相與圖回以立政
無逸之規模而植立鳧鷖既醉之事業以蓼蕭行葦之恩意而講
明洛誥周官之典刑制禮作樂偃武脩文而越裳重譯以至矣康
王克遵洪業敬恭神人四夷賓服海內晏然成康之際天下安寧
而有唐虞之風焉昭王南征而不復穆王作刑以誥四方共懿而
下詩人作刺夷王下堂而見諸侯厲王出奔于彘自八駿遊而荒
服叛太原弛而獫狁侵天下之勢已非先王之舊矣宣王中興思
欲撥亂而反之於正王賦之未復思以飭之賢才之未進思以任
之車徒之未實思以簡之綜理之未周思以振之不籍千畝則號
遯諫晏安宮寢則姜后脫簪其內外之賢又何如也故其施為事
業皆可以紹前列者自今觀之讀雲漢而見事天之心焉讀鴻鴈
而見憂民之心焉讀夜如斯而見勤政之心焉讀蒸民而見任相
之功焉讀車攻而見復古之盛焉夫豈庸君所能及哉惜無故而料
民仲山甫以為害于政而妨于后嗣也非罪而殺杜伯左儒所以
不易言而求生也至于繼世則有山川崩竭之應壓弧箕服之謠

而幽王遂為犬戎所斃平王親遭褒姒之難廢黜播遷而宗國顛覆亦可省矣及在位日久不能自強於政治棄其允族葛藟有終遠兄弟之刺不恤其民周人有東薪蒲楚之譏至其晚年失道滋甚乃以天王之尊下賄諸侯之妾三緇綸九法斃矣以麟經考之儀父書盟則忠信之風遠無駭書入則陵替之勢成戎狄會潛夷夏之防隳矣祭伯朝魯君臣之義弛矣終春秋之世或妾婦乘其夫或臣子背君父或政權在臣下或夷狄侵中國可勝嘆哉桓王遣允伯聘魯而戎得伐之于楚兵魯隱公即位九年史策不書遣使如周而下聘者再王之不王如此政事安得不自諸侯出乎後乃忿軍伐鄭兵敗身傷繻葛之後首足倒置矣莊王嗣立不能不振榮伯錫命是寵篡弒以瀆三緇也主嫁王姬是以衰麻而接弁

冕也桓王葬于三年之後是不知天子七月而葬同軌畢至也人

事感于下天變動于上辛卯夜恒星不見夜中星殞如雨秋大水

無麥苗前此五國連衡旅拒王命後此齊桓晉文更霸中國政歸

盟主而王室遂虛釐王而下或有子頹之禍惠王或有叔帶之妖

襄王或有子朝之亂敬王楚子問鼎定王茅戎敗績定王而王靈

愈不振矣威烈命三晉于前安王命田氏于後烈王僅受齊威一

朝而顯王遂賜秦以黼黻之服矣至其晚年諸侯皆僭稱王慎覲之

世孟子已生而不見用至于赧王怒秦一戰而國祚遂終矣

評曰周自後稷以來男務于耕女務于織其致治也禮以為本

仁以為源文武創業成康守成宣王中興不可尚矣其餘非暴

虐不經則委靡不振也是故昭王之膠舟穆王之得狼共王之

滅密厲王之弭謗以至於幽王之色荒而西周亡矣平王之遷
都桓王之伐鄭莊王之廢嫡惠王之出奔襄王之胙齊定王之
勞楚敬王之奔晉元王之命越威烈之侯三晉安王之侯田和
以至赧王之入秦而東周亡矣嗚呼西周滅于犬戎而秦襄衛
武猶將兵以衛王室夫何東周滅于嬴秦而無一人伸明大義
于天下也哉使當時之士有如董公之遮說者當時之君有如
漢高之發喪者明尊周之義誅無道之秦則齊桓晉文之事可
復見于其時也惜乎六國之君之士莫之知耳

總論

三代君

評曰論聖人之事則異原聖人之道則同蓋聖人因時以制事
而事之異者時之異也聖人脩身以体道而道之同者心之同
也知此則可以論三王矣昔者禹之繼舜得天下于揖讓湯之
放桀定天下于征伐二者若不同矣殊不知舜之子不肖而曆
數之傳不可以不擇也桀之政不道而過亂之師不可以不興
也禹湯豈容心於其間哉文王事紂棄天下于不取武王伐紂
取天下于不疑二者若不同矣殊不知紂之惡未極而為臣之
節不可以不守也紂之惡貫盈而生民之難不可以不救也文
武豈容心於其間哉故唐虞之時太和之氣象也禹啓之世亨
通之嘉會也夏商之末造其天時肅殺之秋乎湯武適當其時
革命之舉不容不順乎天而應乎人矣蓋天之道生于春長于
夏肅殺于秋而謂肅殺非天之道不可也聖人之道揖遜于唐

虞家傳于夏禹放伐于商周而謂放伐非聖人之道亦不可也
天與聖人與時偕行而已觀四時則知天觀天則知聖人而况
道者又天下古今之所共由帝王心法之所共傳者也有不同
乎哉禹之執中執此道也則左焉準繩右焉規矩為可知湯之
建中建此道也則以義制事以禮制心為可見文王脩德而憂
勤于望道之時則無然畔援無然歆羨也武王建極而虚心于
訪道之日則無有作好無有作惡也夫帝王之治本于道帝王之
道本于心于此不同則亦不足以為聖人矣自此之外若帝啓
之敬承太甲之悔過祗懼如太戊而恭默思道者高宗也緝熙
如成康而側身脩行者宣王也功則光于先人業則垂于後裔
後有作者不可及也然則為人君者有志于帝王之治不可不
求其道有志于帝王之道不可不求其心求心之要舍學何以
哉故曰人君以論學為急聖學以正心為要

三代臣

評曰論三代之人才人知其至周而極盛不知其至周而始衰
蓋日中則昃月盈則虧天且不違而况于人乎故人才之生世
盛之極者其衰之始歟粵考夏之為夏在禹時則有臯陶伯益
以任國政在仲康時則有胤侯以專征伐在少康時則有臣靡
盡忠秉節而興夏焉其所以基四百年之治者有由然矣殷之
為殷在湯時則有伊尹仲虺以相左右在太戊時則有巫咸臣
扈以道前後在武丁時則有傳說進諫論列而興殷焉其所以
基六百年之治者有由然矣若夫周之為周傳世三十歷年八

百豈易言乎昔者殷有二老而未得也文王則載呂望于渭水
來伯夷于海濱而老者得矣殷有三仁而未用也武王則封微
子以代殷訪箕子以洪範而仁者用矣制禮作樂則有若周公
且布德宣威則有若召公奭保釐東郊則有若畢公奭輔王室則
有若榮公䟽附後先則有若閔天太顛之徒奔走御侮則有若
散宜生南宮适之輩他如奉璋之士六師之衆惟一心以趨乎
文德八百諸侯三千虎賁惟一心以就乎武功羔羊大夫而有
節儉正直之風不但麒麟之產于家也卷阿吉士而有憑翼孝
德之善不但騶虞之出于國也一傳而成王得是諸臣以基其
命再傳而康王得是諸臣以洪其業屢傳而宣王南征而有元
老之方叔保于南者又有申伯也北伐而有文武之吉甫鎮乎
北者又有韓侯也有張仲弼于一人更有仲山甫式是百辟有
召公以平淮南而又有林伯休父以定淮北卒使文武之境土
以復而中興之功業以成固為宣王脩攘之功而謂非諸臣經
營之力可乎嗟夫人才之生世一盛于唐虞再盛于成周亘古
今而兩見固其所也柰何日不常午月不常望人才不常盛百
周以降風倍日下人才日衰不極于春秋戰國不已也論治君
子安得不喜周之極盛而深惜周之始衰也歟

三代治

評曰天下之治常貴于通而惡于拘天下之弊常生于偏而杜
于全苟為治而立一定之法其勢必至于拘而不通其法必至于
偏而不全其弊有不可勝言者矣愚嘗讀禹之謨而觀夏之治

讀湯之誥而觀商之治讀武成等篇而觀周之治在禹則見其地乎天成萬世永賴而已在湯則見其緝寧邦家兆民允殖而已在文王則見其懷保惠鮮咸和萬民而已在武王則見其散財發粟大賚四海而已初不聞其所定者何尚也亦不聞其所尚者何法也譬之良金美玉人皆寶之而不知其所以寶譬之布帛菽粟人皆用之而不知其所以用曾何尚之可名而弊之可指哉及太史公之論則曰夏之政忠忠之弊小人以野故商人承之以敬敬之弊小人以鬼故周人承之以文文之弊小人以僂故救僂莫若以忠三王之道若循環然終而復始陋哉其見也何則夏之有天下也行堯之道其民淳其事簡其風聲氣習雖有似乎忠然非夏之君專尚忠以化之也今觀其飲食

之菲宮室之卑不謂之質可乎禮樂之著文命之敷不謂之文可乎商之有天下也纘禹之服其民亦淳其事亦簡其風聲氣習雖有似乎質而非商之君專尚質以化之也今觀其檢身若不及不謂之忠可乎稽古之法度不謂之文可乎至于周之有天下風氣大開而人或不盡于淳人文漸著而事或不容于簡則一時之治五禮六樂并乎有條大綱小紀秩乎有序雖有似于文然非周之君專尚文以化之也觀詩稱其忠厚以成福祿則亦所謂忠也記言其陶匏以事上帝則亦所謂質也嗚呼三代之治未嘗膠于一偏者如此而太史公乃倡忠質文之說裂其全而偏之豈不虧三代之治乎或者乃曰夏建寅商建丑周建子則正朔亦異矣殊不知王者革命則改正朔以一天下之

心志宜也或者又曰夏尚黑殷尚白周尚赤則制度亦異矣殊不知王者革命則立制度以新天下之耳目亦宜也豈若忠貞文之治拘于一定而期天下之必從乎大抵聖人之于天下治之而不示其治之方化之而不示其化之之迹使斯民日用而不自知則其弊何由而生苟為不然必欲昭昭然指而示之曰吾之所尚者有在于此則天下之人皆得以循其迹而滋其弊矣有天下者可不謹哉

通鑑索鑰卷之二

通鑑索鑰卷之三

春秋戰國紀

春秋分據之國

魯 姬姓伯禽之後凡三十四世滅于楚

陳 媯姓震舜之後凡二十五世滅于楚

燕 見于後註

衛 姬姓康叔之後凡四十三世滅于秦

楚 見于後註

鄭 姬姓桓公友之後凡二十三世滅于韓

齊 姜姓太公望之後凡三十世滅于田和手

曹 姬姓曹叔之後凡一十五世滅于宋

秦 見于後註

宋 子姓微子之後凡三十二世齊楚魏滅之

晉 姬姓叔虞之後凡三十世韓趙魏共滅之

吳 姬姓太伯之後凡二十五世滅于趙

戰國分據之國

秦 嬴姓伯翳之後自非子至昭襄凡三十四世而滅夫周又三世而滅于漢 韓 韓侯之後至韓釐為晉大夫分晉地始受命為侯凡九世秦滅之

魏畢萬之後至魏斯分晉地始受命為侯九世秦滅之

楚芊姓熊繹之後九世滅于秦

燕姬姓召公奭之後九世滅于秦

趙飛燕之後至趙籍分晉地始受命為侯九世滅于秦

齊媯姓田和之後凡七世滅于秦

叙曰春秋之勢成于平王其國十二其歷周之年則十八世也

戰國之勢成于威烈其國七其歷周之年則五世也

歌曰成王以魯封伯禽 齊與陳也曹燕秦

衛宋楚晉鄭吳國 十二分據春秋成

秦始嬴姓後滅周 韓魏趙氏分晉都

更有楚燕與齊國 俱并于秦誠可羞

魯

論曰魯自周公佐武王克商而有天下封于少昊之墟周公不就

其子伯禽受封是為魯公即位之後淮夷徐戎並興帥師伐之乃

作費誓重禮教崇信義國內大治裔世之後魏公以弟弒兄懿公

以庶奪嫡戲之弟稱肅恭明神故事耆老周宣王以為能訓治

其民而立稱焉是為孝公蓋自伯禽受封歷十四世而至隱公始全

春秋春秋之世周道陵夷王綱不振自隱公言之在位十有一年天

王遣使來聘者再而未嘗朝于京師罪一也平王崩不奔喪會葬至

使武氏子來求賻罪二也禮樂征伐自天子出而擅興兵甲為宋

而伐邾為鄭而伐宋罪三也山川土田各有封守上受之天王下

傳之先祖而取郟及防入禘易許罪四也後又入人之國而逐其

君罪五也鍾巫之難尚何懟哉桓公躬行大惡而王朝之司馬不

施殲執之刑鄰國之大夫不聞沐浴之請乃假許田於鄭取郟鼎

于宋不善之積已著而不可解矣文姜之慝自墮于齊莊公以世嫡承國不爲不貴周公之後奄有龜蒙不爲不強即位三十二年不爲不久而嗣子受禍幾至亡國者蓋大倫不明而宗嗣不定兵柄不分而主威不立忘親釋怨昧爲國之大綱故也慶父稔惡閔公見弑夫人孫于邾慶父出奔莒僖公于是乎以成風所屬而季子立之觀詩所頌亦賢君也然禘于太廟用致成風陽穀之會肆于寵樂滅項則權歸于臣伐邾則師殲于敵而春秋所紀恒不滿焉文公以練祭則緩于作主以宗廟則世室屋壞以賦政則四不視朔以邦交則三不會盟其怠于國政可知矣宣公以篡弑謀于齊而取國以土地賂齊而請會以卑屈事齊而求安故天王之喪不奔欲行郊禮而汲汲于奔齊惠公之喪天王之葬不會使微者往而公孫歸父會齊惠公之葬不顧君臣上下尊卑之等所謂肆人欲滅天理而無忌憚者也逆理亂倫戾氣應之水旱螽蟴饑饉之變相繼而作府庫匱倉廩竭調度不給而言利尅民之事起矣成公初立主幼國危爲季孫一怒掃境內興師旣作丘甲又遠尋盟嬰齊之會降班失列晉景之卒止公送葬汶陽之奪沙隨之拒危辱甚矣襄公孱弱季氏益強廢公室之三軍而三家各有其一受命救台也遂入鄆帥師取卞也不以聞其後享范獻子而公臣不能具三耦是寄生之君耳昭公喪齊歸無感容而不顧娶孟子爲夫人而不忘政在私門而不能取有子家子之賢而不能用不忍一朝之忿求逞其私欲而日入慝作陽州孫焉民不見德亡無愛徵故居鄆而鄆潰圍城而城不克適歷無成客死軋侯定公制在

權臣夾谷之會兩君就壇兩相揖萊人鼓譟而起孔子歷階以
升一言而威重于三軍齊人章章歸其侵疆由大司寇攝行相事
誅少正卯與聞國政三月而商賈信于市男女別于途及齊人歸
女樂孔子遂行使聖人得志行乎魯國則東周之興必矣而定公
不能也幸于禍而亡其讐誘于利而忘其辱以意如爲大夫而不討
先君之賊也天理滅矣哀公得國公室不張三卿並將盟于勾繆
而已不與焉乃因田賦以重困農民而適越之辱卒不能免後雖
復國告終有山悼公以後平公以前六國稱王而魯愈微頃公十
九年楚伐我取徐州二十四年楚考王滅魯頃公亡遷于下邑而
魯遂不祀矣

齊

論曰齊自太公佐周受命封于營丘東至海西至河南至穆陵北
至于無棣五侯九伯皆得征之此霸業所由興也太公之後丁公
呂汲癸公慈母嗣之至哀公時紀侯譖之周周烹哀公而立其弟
靜是爲胡公胡公以後族胤更相叛復而不定者數君至成莊而
始安僖公九年入於春秋石門黨鄭瓦屋參盟時稱小霸襄公迫
逐紀侯戕弑魯桓載驅之刺淫厲極矣乃復游于姑楚田于貝丘
而無知之難作國人殺子糾桓公立焉首尊周室方攘夷狄一匡
天下民稱其仁方其未作也王臣下聘而不報王師出伐而無功
九伯書伐戎強于北蔡師書敗荆盛于南鄭分許鄙宋廢鄭祀紀
小而併于齊鄰弱而迫于魯周室旣衰侯度無統矣及其旣作王
禁明而王臣不下聘者六十年盟會同而諸侯無私爭者三十載序

績召陵而荆帖陳師聶北而狄退獻捷過魯而戎弭其氣象何如也逮其既沒天王出居而官守不問衛滅懿親而義師無討楚書子而主會矣狄書人而參盟矣先儒以為有霸非美名無霸非細故詎不信夫然桓公一身盛衰九三變圖霸之初定霸之日與成伯之後其得失頗殊也伐郟侵宋侯度未一入蔡伐鄭戎疾未殄滅遂降鄆履事未孰設施多舛遇穀盟扈閱理未精檢防易肆蓋桓公圖霸之日也陽穀而下葵丘以前衣服不軟血兵車無大戰仲尼稱其一匡孟子與其為盛此桓公定霸之日也九國叛而萌震矜管仲死而放繩墨城圯敗于城邢救徐怠於救許伐黃不恤謀鄆無成會下而家法虧戰韓而秦晉橫此桓公成伯之後也惟其不能慎終如始付托非人是以極方在殯四鄰謀動其國家而莫之

恤至於九月而後築功利之在人淺矣孝公伐宋圍緡乘約肆暴無足言者昭公見侵于狄不能攘斥未幾而為商臣所弑懿公弑君之罪已顯而齊人長奸濟惡懷商臣之私惠忘君父之大倫執單伯而不能明霄主母而不能救是舉國之人皆有不救之罪也惠公保利棄義貪得魯田子惡弑出姜歸而宣公立不能聲罪致討務寧魯亂而首與之盟以定其位頃公嗣位之初舉動非禮而婦人笑喪師失地幾見執獲所謂國必自伐而後人伐之者歟靈公滅萊伐魯卒召晉師國本一搖光牙爭立遂有勾竇之變莊公無道外內惡之擁柱方歌踰墻已射又有崔杼之亂景公賢晏子而不能用法梁丘據而不能舍夾谷之會僅歸魯疆而陳氏厚施卒殄齊脈乃又廢陽生而立公子荼復有陳乞之難悼公篡荼自

立絕于先君然歸讎及闡春秋賢之反以辭吳師而見弑可哀也
已簡平之世田恒封邑大于齊國又二世而田和遷康公于海濱
姜氏絕焉威王寶賢尚功國內富彊宣王救韓破魏而用鄒衍淳
于髡之徒不復知有聖賢仁義之道湣王西侵三晉南摧強楚自
名東帝諸侯稱臣伐功矜能謀不逮下廢黜賢良信任諂諛政令
戾害百姓怨對千乘博昌之間雨血沾衣而不知羸博之間地折
及泉而弗喻有人當闕以哭而弗省樂毅淖齒共分齊疆懸筋膚
梁宿昔而死可以為有國者之長鑒矣王子法章走保莒城復齊
舊境及其卒也子建方少國事皆決于太史氏四十餘年不被兵
革亦云幸矣然秦空國以伐楚而齊不能襲其國都連年伐五國
齊亦坐視而弗恤一旦王賁破燕猝入臨淄松耶栢耶野人哀之
國絕身亡饑餓而死何其愚哉

晉

論曰晉自叔虞封唐在河汾之東百里歷十七世而至武公謂之
后晉請命于周列為諸侯獻公殺世子申生而立奚齊里克之難
作為懷惠無親內外棄之公子重耳廣而儉文而有禮其臣狐趙
又皆肅而寬忠而能力卒反晉國以成伯功是時荆楚恃強憑陵諸
夏滅黃而伯主不能恤敗徐于婁林而諸夏不能救執中國盟主
而在位者不敢與之爭後又成穀逼齊合兵圍宋戰勝中國威服
天下文公一戰而敗楚于城濮遂主夏盟功亦偉矣然文公既入
國而事之不載于經者凡四年雖以納王之懿功削而不見至二
十八年一簡之中五摯晉侯不以為煩何哉蓋自武公以支代宗

并吞專立讀無衣之詩雖晉之臣民亦不能自安也為是黜晉不
書至二十八年晉楚之事乃閔夷夏之盛衰非係一國之得失春
秋抑楚之深故予晉之亟則晉亦不為無績於中國矣此其與齊
桓並稱與夫抵桓文雖並稱而文固非桓匹也桓公二十餘年蓄
威養銳始能問罪於楚文公一駕而城濮破多于召陵桓公屢盟
屢會遲迴歲晚而始會宰周公文公再合而溫之事敏于葵丘桓
公之合諸侯會郵失魯盟幽失衛首止失鄭葵丘失陳文公二會
而大侯小伯莫敢不至其得諸侯又盛乎桓公而曰文非桓匹何
耶文公之功多于桓公者罪亦多于桓公也桓公得江黃而不用
於伐楚文公謂非致秦不可與楚爭楚抑而秦興矣此桓公之不
肯為也桓公會則不邇三川盟則不加王人文公會歲內則抗矣

盟于虎則恃矣此桓公之不敢為也桓公寧不得鄭不納于華懼
其將臣抑君不可以訓文公為元咺執君則三經五常于是廢矣
此又桓公不忍為也夫子正譎之辨獨不深切著明哉襄公敗秦
于穀敗狄于箕伐許離楚三強退矣然因伐衛而朝王不敬莫大
焉使虜父盟魯公不恭孰甚焉專尚威力先事加人蓋不知省德
而後動者也及襄之卒趙宣子舍嫡嗣而外求君諸大夫患穆嬴
之逼而靈公立及其長也厚斂以彫墻殫人而殺膳宰桃園之墓
固所自取而趙盾亦不得辭其責焉成公伐秦救陳後又伐陳攘
楚景公大敗于邲而復戰勝于鞏滅赤狄主夏盟蟲牢鄭人乘隧
師旋馬陵之盟春秋善之厲公敗楚鄢陵三強讐服卻至量敵于
六間呂錡微功于一矢堂堂楚共集矢于目豈非幸哉然自非聖

人外寧必有內憂楚師雖敗其勢益張晉遂怠矣後卒有欒氏之
譖而誅三卻國內大亂匠麗之執身且不免悼公推誠以待人用
賢以謀國三駕伐鄭而楚不敢與之爭五會中國而諸侯不敢貳
平公七合諸侯五合大夫若可以繼文襄之烈者然苟偃怒大夫
盟而晉靖公廢趙籍韓虔魏斯為諸侯之勢成矣昭公之時楚人
暴橫陵蔑中華為晉計者內結夏盟外攘夷狄復悼公之業若弗
暇也顧乃安于弗兢矜兵甲之威肆脅持之力以諸侯上要天子
之元老而軟血同喘夷狄篡立之主而結盟無禮義忠信誠慤之
心而以威詐泄之惟宮室臺榭是崇是飾不知成虎初而諸侯皆
有二心矣頃公立六卿而孔子知其將亡定公任四卿而黃池遂弛
伯業出公奔齊道死哀公智伯所立陵寢於幽厲孝靜而魏桓韓

虔趙籍之徒遂滅晉而分其地夫豈朝夕之故哉

韓

論曰韓之先周同姓也三世韓厥實佐景公至景侯始大列文哀
懿昭世為諸侯宣惠僭王大敗于秦慎子以和襄王與齊魏朝于
秦秦與之河外釐王合周攻魏至伯惠王而失上黨至于王安而
為秦所滅

趙

論曰趙之先與秦共犯造父為周穆王御封趙城為氏趙夙為晉
獻公將生衰事文公至烈侯始分晉壤自君其國武靈效華佗而變
胡服惠文王用趙奢計而破秦師孝成受韓之上黨而用趙括大
敗于長平至幽穆而為秦所滅

魏

論曰魏之先畢公高周同姓也畢萬事晉欽公封于魏數世生絳事悼公至桓子始大文侯內師于夏友田子方段干木而外用吳起西門豹李悝之徒交鄰有道民不知兵武侯稍侵鄰國惠王結怨韓趙齊乘其弊殺龐涓太子申秦人因之遂取西河魏由是都大梁昭王之世秦拔其城六十有一安承益衰信陵救趙傳至景湣王假而秦伐大梁遂滅魏

宋

論曰宋自微子肇封十四世而至穆公華督弑殤南宮長弑閔桓公輔伯而無情實是以有三國之伐襄公欲繼齊桓之烈而舉動煩擾執嬰齊非伯討不足以示威盟曹南非同志不足以示信伐

齊之喪奉少奪長一罪也一會霍二國之君二罪也曹人不服不修德而圍之三罪也于孟之會見執于楚及泓之戰兵敗身傷會是以爲伯乎昭公無道而見弑文公之立賂晉而得列于諸侯之會楚鄭二國之侵武穆二族之叛皆其自取之也既不能內自省德而急于伐鄭伐陳攻楚與國寧無夷狄之患乎共公背殯越境以吉禮從金革之事忘親之罪著矣及其沒也蕩澤弱公室殺子肥華元討之而魚石奔平公寵信闍寺殺世子座而父子之恩絕遂華合比而君臣之義虧元公無信多私而惡華向君臣交質國內大亂然意如之變不恤其私求納昭公卒于曲棘景公傾信桓魋二弟出奔入蕭以叛數世至偃自立爲王東敗齊取五城南敗楚求三百里西敗魏上射天天下皆曰桀宋齊魏楚交伐之滅宋

而三分其地天固有以厚其毒而降之罰矣德之不崇賢之不象
惜哉

衛

論曰衛自康叔肇封十二世而至桓公初州吁有寵好兵而莊公
不禁石碻盡言極諫而公弗從馴至州吁弑君阻兵修怨宣公繼
暴亂之后不施德政毒衆臨戎入人之國上丞夷姜殺嫡子伋壽
而立朔是爲惠公篡居其位見黜于王後籍五國之師抗王命以
復國其惡甚矣懿公好鶴率爲狄人所滅文公野處漕邑徙居楚
丘衣大布之衣大帛之冠務材訓農通商惠工元年三十乘季年三百
乘時稱中興然桓公攘戎狄而封之使衛國忘亡及桓旣沒不念舊德歆
厚報之遽伐其喪亦太甚矣又且滅同姓而遷怒于邢其誠未知
一本之義者乎成公失守杜繆見執于晉始歸而殺叔武再歸而
殺公子瑕長惡不悛無自艾之意乃後狄人圍之迂于帝丘穆公
之世會晉伐齊定公從遠晉楚之間獻公蔑其冢卿失國出奔幸
有世叔儀以守有母弟鱣以出或撫其內或營其外卒歸于衛殤
公爲甯喜所弑靈公不能正家而蒯聩奔宋莊公出公父子爭立
又數世而至君角秦併天下二世廢角爲庶人而衛遂絕焉

鄭

論曰鄭本宣王母弟封鄭爲桓公大戎殺幽王公死之武公相繼
爲周司徒善于其賊莊公克叔段敗王師困州吁而入許數以奇
勝及其後嗣忽儀臺突之際公子五爭兵革不息文公逃盟即楚
齊晉相繼伐之下至穆靈襄悼成僖之世無歲不被晉楚之兵肉

袒逆楚莊者襄也為晉景所執者成也至悼公蕭魚之會始事晉而鳩其民夫以鄭國之小而攝乎大國之間雖晉楚之強卒莫能屈蓋子產相君之功也觀其都鄙有章上下有服田有封洫廬井有伍治國可謂能矣壞晉館存鄉校不禳火不祭龍不與宣子環不受晉使幣有諸侯之事則問四國之為於子羽擇能而使以禮自立何其賢哉然作丘賦渾罕譏之鑄刑書叔向責之僑亦自謂不及子孫將死屬子太叔以猛僑死而鄭不振矣定獻聲乙之世國勢日削遂滅于韓

燕

論曰燕本召公之後僻在遐陬不通諸夏二十九世至簡公始入春秋其在戰國亦以耕戰自守文公二十八年蘇秦始結從約王噲讓國子之國內大亂昭王尊用樂毅大破齊師惠公以騎劫代之復為田單所破數世而至王喜太子用荊軻計以刺秦秦滅之

吳

論曰吳自太伯以後十九世而至壽夢春秋以其僭號而狄之是時中國無伯鍾離之會雖齊晉皆俛首听命焉諸樊餘祭夷昧皆壽夢子也季札辭國不居王僚攘居大位諸樊之子闔閔弑之而自立用楚臣伍員之謀破楚入郢及携李之戰敗于越而卒夫差矢心報越棲勾踐于會稽黃池之會方主夏盟而越已入其國都後四年為越所滅

越

論曰越自少康庶子封會稽二十餘世至允常伐吳始見于經勾

踐聞吳王夫差將報讐吳伐之而敗乃令大夫種行成於吳保會稽卧薪嘗膽以國政委大夫種以甲兵委范蠡十年生聚十年教訓遂以沼吳復渡淮與齊晉諸侯會徐州尊周伯天下六世至無疆伐齊楚周顯王四十六年楚威王大敗越盡取吳故地至浙江殺無疆諸族子爭立或為王或為君濱於江南海上朝服于楚後七世至閩君搖佐諸侯平秦漢高帝復以搖為越王奉越後東越閩君皆其後也

楚

論曰楚本祝融之後成王封熊繹于荆僻陋在夷若敖蚡冒華路藍縷以啓山林荆尸而舉李乘輯睦蓋自西周嘗勞來芑之後矣及周室東遷遂奸大號十七世而至熊通是為武王合諸侯于沈鹿用勁兵于鄧鄧漢東諸姬楚實盡之自武王伐隨始文王因息媯而滅息復怨蔡侯而伐蔡鄭伯入國以其不告而侵櫟鄧本舅氏因其無備而吞噬卒之敗黃師于蹇陵而亦自斃于夕室熊暉弑諸敖而自立名曰楚成終始桓文之世會中華執盟主朝諸侯長齊晉向非桓文繼作則鼎之問也久矣穆王之世晉君方少北方可圖滅江滅六伐麋伐鄭圍巢圍舒服陳服宋勢益強大莊王假徵舒之亂肆栗門之環縣陳入鄭敗晉滅蕭矜尚威力恐喝諸侯克伐怨慙皆得行焉陵蔑中華甚矣然辰陵之歲魯與齊方用兵伐莒晉方會狄于橫函而不謀少西氏之逆也而楚人能謀之所謂禮失而求諸野夷狄之有君不如諸夏之亡也可勝嘆哉共王鄆陵中目適當悼公復伯之際故蕭魚一會鄭之從晉者二十

四年康王連年伐鄭肆滅舒鳩在宋之盟爭晉先軟及號之會仍
讀舊書公子圍弑郟敖而尸君位大合諸侯于申與會者九十有
三國其臣舉六王二公之事其君用齊桓召陵之禮宋向戌鄭子
產皆諸侯之良也而皆有缺焉執徐子圍宋方遷賴于鄆滅陳滅
蔡窮克極惡師潰于訾梁身竄于棘里而縊于申亥人不能討而天
討之平王之世地方五千里帶甲數十萬戰勝諸侯威服天下
然不能去說賤貨使費無極以說勝囊瓦以貨行而策士竒材為
敵國用雞父之師七國皆敗柏舉之戰國破君奔吳日益強而楚
削矣昭王籍吳師而入郢楚國復寧會祖之歲卜戰不吉雲如赤
鳥不移于令尹河為榮主不越望以祭孔子曰楚昭王知道矣不
失其國也宜哉惠王有白公之亂簡声悼肅宣威之際秦益強盛
懷王貪商於之地而輕與齊絕破軍殺將威地求和秦齊韓魏交
伐其國秦棄其弊劫以好會走趙不納卒死于秦頃襄以六千里
為讐人後會敵于宛迎婦于秦無憤耻自強之志秦命白起為將
一戰而拔鄢郢再戰而燒夷陵國都墳壠兵燹蕩廢辱及先人曾
不知報而乃欲誅殘天下之共主居三代之傳豈羸豕躅躅當不
在羸秦下考烈伐秦不利徙都壽春幽哀萎靡負芻亡滅雖然楚
莊之伯也夏氏之誅陳柞絕矣鄉取一人焉以歸而復封陳其伐
鄭也入自皇門至于逵道鄭伯肉袒牽羊以逆矣左右曰得國無
赦楚君哀其卑而復存鄭易子而食柝骸而變宋之危在旦夕矣
听華元子反之計而結成茲三國者皆足以自取而不取則楚莊
之惡未甚也若秦人之劫懷王則挾欺毀信重幣其言詐誘其君

肆行無道及其所為矣故父老憐之曰楚雖三戶亡秦必楚嗣後
亡秦者果皆楚人曾子曰出乎爾者反乎爾老子曰佳兵不祥之
器其事好還詎不信夫

傳稱武王克商以有天下植兄弟之國者十有五人姬姓之國者
四十人爵五品而土三等公侯百里伯七十里子男五十里不滿
為附庸蓋千八百國周室既衰轉相吞噬數百年間列國耗盡春
秋之世見于經傳者總一百二十四國下逮戰國曹滅于宋鄭滅
于韓魯宋陳蔡滅于楚而齊楚燕韓趙魏滅于秦秦遂兼併天下
總論

春秋戰國君

評曰列爵唯五分土唯三則知聖人封建之大法填爾人民謹

爾侯度則知聖人封建之大本蓋聖人公天下以為心而無一
己之私者也則其封建之設豈偶然而已哉昔者生民之初兩
貴不能以相事兩賤不能以相使故合一國而听命于諸侯諸侯
不能以相統也故相率而听命于方伯方伯不能以相統也故
相率而听命于一人時則為之天子者慶賞刑威得以自制禮
樂征伐得以自專則智者效其謀而勇者效其力矣為之諸侯
者朝聘燕享各有其時慶吊凶荒各有其禮則強不凌其弱而
衆不暴其寡美貴以臨賤賤以承貴然後能上下相保而國家治
安此三代聖人之良法也自平王東遷而政教號令不行于天
下繻葛一戰首足倒懸則王綱解紐而勢已降于春秋矣自威
王失馭而禮樂征伐得專于諸侯晉侯一命冠履倒置則王法

掃地而世已釐為戰國矣斯時也東澤東浦西道茂草而所以
懷西歸之好音者誰與北方河圖南風日競其所以畏簡書之大義者誰
與時則有若五伯桓文為盛托天子以為尊倚王室以為重大
蒐示禮伐原示信正名而定分也救衛以仁責楚以義扶弱而
抑強也至于葵丘之會威加諸侯名振四海天子致胙玉人下
臨環以旌旄崇以壇壝幕帳燎舉有司戒期駢圭交寫抑手就
位弁冕秩秩穆然無聲申以五命之嚴求以載書之信雖平日
跋扈倔強不受控御如晉侯者猶膏車秣馬恐干後至之誅此
其功名振越光耀赫然為五伯首豈不偉歟惜其局量褊淺規
模狹隘挾天子以令諸侯而所謂尊天子者何存樓諸侯以伐
諸侯而所謂蕩王室者何在事求可功求成取必于智謀之末
而不循天理之正則所謂禮所謂信所謂仁義所謂盟誓者特
假之而已此仲尼之徒無道桓文之事而孟子深斥之以為得
罪于三王也雖然封建非能弱周周自弱也使平王能復父之仇
則勤王之師諸侯畢會天下必無春秋矣使威王能正晉之罪
則興王之師諸侯拱手天下必無戰國矣吾孔子脩春秋托始
于平王朱子作綱目托始于威烈豈無意乎噫向微二夫子則
三綱淪九法斁而亂臣賊子嘗接踵于世矣

春秋戰國臣

評曰人才以人論亦以時論蓋人有高下時有治亂而人才之賢
否因之予嘗求人才于春秋戰國未嘗不深嘆其絕無而僅有也
何者風俗易以移人也春秋戰國此何時哉其能屹中流之砥

柱挺歲寒之松柏者難于其人矣試以春秋言之宮之奇在虞忠可嘉矣晉得不懼乎季良在隨智可尚矣楚得不畏乎鄭有三良不可謂鄭無人也秦有魏朝不可謂秦無人也遽伯玉特衛之賢大夫耳羊叔向特晉之賢大夫耳謂其為天下之賢才可乎時惟孔子道足以冠百王德足以垂萬世宰中都而為四方之則墮卻費而懾三家之心萊兵必却亂臣必誅所謂天下之大聖也柰何魯相未久而間于女樂尼封未就而沮于晏嬰使吾其東周之志不得一試而托之空言是非孔子之不幸也春秋之不幸也又以戰國論之屈子之忠憤幾于怨矣莊子之學術幾于妄矣蘄頗之老練一勇將也魯連之慷慨一志士也毛遂二十人之長耳孟嘗君鷄鳴狗盜之流耳謂其為天下之人才可乎時唯孟子言足以動人主氣足以克天地論王道以黜霸功之小談仁義以破利慾之私妾婦儀秦禽獸揚墨所謂天下之大賢也柰何魯侯歆見而沮于嬖倖仁政方施而壞于許行使平治天下之術不得一試而托之空言是非孟子之不幸戰國之不幸也尚論者安得不拳匕于孔孟哉不然則申韓之刑名孫吳之戰伐管商之功利儀秦之縱橫不可加也以此而取孔孟也可乎誠使孔孟得行道則堯舜其君民伊周其事業而春秋戰國可為唐虞三代矣

唐虞三代春秋戰國儒

儒道行而當世顯然被其澤儒道明而萬世隱然沐其休先聖後聖其揆一也豈可以窮達論吾儒哉昔者唐虞之時堯舜為

之君而臯陶稷契為之臣謨謀一堂何者而非精一執中之傳
三代之時禹湯文武為之君而伊傅周召為之臣平定四海何
者而非忠敬質文之尚斯時也君皆儒雅臣皆儒行而儒者之
名未聞抑何故耶蓋呈於河洛負於龍馬儒道已泄於天矣臯
陶稷契伊傅周召佐其君而道行所謂建諸天地而不悖質諸
鬼神而無疑者此也所謂考諸三王而不謬百世以俟聖人而
不惑者此也則天下安知有儒者之名哉時至春秋孔子為之
師而顏曾子思為之徒口傳心授何者而非性命道德之言時
至戰國孟子為之師而萬章公孫為之徒難疑問荅何者而非
仁義禮樂之論斯時也師皆儒術徒皆儒業而儒者之道始立
又何故耶蓋王緹解紐異學縱橫儒道幾墜于地矣顏曾子思
萬章公孫佐其師而道明所以為天地立心為生民立命者此
也所以為往聖繼絕學為万世開太平者此也則天下安可無
儒者之道哉雖然孔子之時有曰莊周者其論性命道德仁義
禮樂庶幾乎儒道矣然祖於虛無寂滅之教溺於死生壽夭之
情特荒唐之孝耳况又侮聖言而不知畏曾謂儒者為之乎孟
子之時有曰荀况者其言詩禮易春秋庶幾乎儒道矣然喜為
異說而不遜敢為高論而不顧特刑名之孝耳况又苟利祿而
不知耻曾謂儒者為之乎故從事儒道者當知所取舍矣

秦紀

秦君授受之次

秦莊襄王

姓嬴名楚文王之子嬴姓之秦
實止于此元年滅周在位四年

後秦始皇帝名政實姓呂氏即王位二十五年遂并天下即帝位十二年至孫子嬰降于漢高祖滅于楚項羽

二世皇帝名胡亥在位三年遂為趙高所滅

叙曰秦有天下其得嬴姓于舜也始于伯翳其得封秦于周也始于非子其強也始于孝公其盛也始于莊襄其并天下也始于始皇其亡也終于子嬰其君三其歷年則四十三也

歌曰昭宣孝文莊襄王

始皇二世三世亡

得秦之號自非子

滅秦之姓自始皇

論曰秦之先顓頊之後伯益之苗裔也秦非子者為周孝王主馬始為附庸邑於秦襄公平犬戎為諸侯自非子十五世而至穆公濟河焚舟劇與晉戰遂霸西戎春秋之世穆康共桓景哀惠悼凡八君雖有狡焉思啓封疆之志扼于晉而不得逞戰國之季厲共

躁懷靈簡凡五君亦未始得志于中國惠公九年秦晉戰于武城伐韓取宜陽伐蜀取南鄭并國權輿矣肇於此獻公繼敗三晉天子賜以章服自是而後秦日益大然是時河山以東強國有六淮泗之間小國十餘楚魏與秦接界皆以夷狄擯斥之不得與中國會盟也孝公發憤修政欲以強秦由是任商鞅徙咸陽廢井田更稅法罷封建置守宰三代之良法羨意掃地盡矣惠文用司馬錯之計而滅蜀用張儀之遊說而強秦齊人納款楚國連姻燕入常山梁效河外趙割河間韓獻宜陽駸乎有一天下之勢武王初置丞相好以力戲與孟說舉鼎絕脈而死昭襄誘楚王坑趙卒攻西周運九鼎孔斌有言不出二十年天下其盡為秦乎孝文除喪三日而卒莊襄復滅東周始皇遂蠶食六國自以為功兼三王德

過五帝事不師古暴戾自用考諸綱目自併天下以來畫更號書除謚書改正書封禪書刻石志自伐也書銷兵器書徙豪傑書壞城郭決隄防書築長城書黔首自實田志自私也三書築宮再書治道志土木也書伐匈奴書取南越地志窮贖也五書巡狩志遊觀也書焚詩書七坑儒生志狂暴也書堊見書隕石志殃罰也自更號以後無一善足以裕後昆者再世而亡晚矣雖然世之罪秦者謂其廢封建壞井田也然封建非秦始除井田非秦始壞也春秋戰國以來諸侯之得地者皆縣之則久矣其封建之除也自作丘甲用田賦以來諸侯之與人田者或萬畝則久矣其井田之壞也以德相服諸侯無敢变法易令計不過五帝三王始興之時為然人亡政息各逞其私七雄之世如蠶猶蠱毒聚眾毒于一器不併滅于一則不止秦特蠱毒之最後死者耳蓋自生民以來相生相養相保相聚之天下其弊亂極矣而未流之至彼亦莫知其所以然秦何能除封建壞井田而秦亦何能久存於六國既滅之後哉

總論

評曰天下之事有可為之勢者易圖無可畏之形者難見易圖者亦易應難見者亦難支故明哲之君不畏夫方張之敵國而深畏夫未見其隙之民心何則始皇惟知天下之勢難合而其患在六國也六國既滅而其患在四夷也于是罷封建置郡縣以杜其爭郡桂林城磧石以嚴其防自謂天下卒無可虞于是焚書坑儒以弭其謗入海求仙以長其生頭簪箕歛以豐其財銷鋒鑄鏑以弛其備而弗知大澤一呼氓隸雲合雖章邯百萬

之師建瓴而下而全關之地已稅駕于霸王之劉季矣嗚呼秦以七世亡六國而民以期月亡秦以秦之強不能當民之弱天下之真可畏者果安在哉雖然孝公之威商鞅成之始皇之暴李斯成之二世之慘趙高成之而茅焦之質蒙恬之忠莫之或用則天下之治亂係于宰相而君國者所當深察也

通鑑索鑰卷之三

通鑑索鑰卷之四

漢紀

兩漢混一之圖

西漢姓劉名邦字季沛人也二世壬辰元年九月以布衣起兵于沛下破秦滅楚五載而成帝業建都于長安焉

楚項羽

三秦章邯 司馬欣 董翳

韓名成

齊田儼

燕臧荼

趙名歇

魏名豹

新室王莽篡國一十八年漢兵殺之

更始

姓劉名玄為漢諸將所立赤眉殺之光武封帝

東漢

姓劉名秀字文叔長沙定王之後景帝之孫也莽末起兵于春陵誅莽滅即而炎漢中興遂定都于雒陽焉

梁劉永

漢劉盆子

燕彭寵

齊張步

漢盧芳

海西董憲

朔寧隗囂

成公孫述

漢君授受之次

高祖姓劉名邦在位十二年

惠帝名盈之高帝太子在位七年

高后姓呂氏名雉之高帝之后惠帝無嗣臨朝稱制八年

文帝名恒之高帝中子在位二十三年

景帝名啓之文帝太子在位十六年

武帝名徹之景帝太子在位五十四年

昭帝名弗陵武帝少子在位十三年

宣帝名詢之史皇孫之子武帝之曾孫在位二十五年

元帝名奭之宣帝太子在位十六年

成帝名騫之元帝太子在位二十六年

哀帝名欣之定陶只帝之子元帝庶孫也在位六年

平帝名衍之元帝庶孫中山王箕子之子在位五年

孺子嬰宣帝玄孫在位三年莽篡位廢為安定公

王莽僭偽十八年漢兵殺之

光武名秀在位三十三年

明帝名莊之光武太子在位十八年

章帝名炟之明帝太子在位十三年

和帝名肇之章帝太子在位七年

殤帝名隆之和帝少子在位一年

安帝名祜之清河孝王之子章帝之孫在位十九年

順帝名保之安帝太子在位十九年

冲帝名炳之順帝太子在位一年

質帝名續之章帝玄孫在位二年為梁冀所弒

桓帝名志之肅宗曾孫在位二十一年

靈帝名宏之肅宗玄孫在位二十三年

獻帝名協之靈帝中子在位二十一年曹丕篡位廢為山陽公

漢紀

叙曰漢有天下始于劉邦盛于文景中微于哀平興于光武敗

于靈獻其君二十四其歷年則四百二十六也

歌曰高惠高后文景承

武昭宣元成哀平

光明章和殤安繼

順冲質桓靈獻更

西漢高帝起豐沛

東漢光武興春陵

論曰自習魚唱禍山鬼獻璧天厭秦德極矣於是窮山通谷豪傑

並起陳勝吳廣舉於陳○武臣張耳舉於趙○項梁舉於天○田

劉季以泗上一亭長偕項氏以逐秦鹿立楚懷王為義帝而劉項

皆北面事之既而咸陽受屠子嬰被戮義帝嗔氣楚漢角力斯時

也楚之雄長豈漢所能抗衡哉然入關之初約法三章之與坑降

卒二十萬于新安不殺降王子嬰之與弒義帝于江中秦民大喜

之與秦民大失望楚漢唯雄坐判于此故沛公卒能起漢中定三

秦擒魏取代什趙脅燕東擊齊南滅楚不五載而成帝業班彪王

命論曰高帝之興有五一日帝堯之苗裔二曰體貌多奇異三曰

神武有徵應四曰寬明而仁恕五曰知人善任使觀其當食吐哺

納子房之策拔足揮沈揖酈生之說悟成卒之言斷懷王之情高

四皓之名割肌膚之愛舉韓信于行陣拔陳平於亡命其進賢從

善常若不及者故英雄陳力群策畢舉不但足也舉關中五十以

上有行能者為三老用重公說為義帝發喪命祠官尊事上帝過

魯以大牢祀孔子軍士有死者吏為棺斂送其家此皆有契於古

者也天下既定命蕭何次律令韓信申軍法張蒼定章程叔孫通

制朝儀一時制作雖未能盡同乎古而亦可以見興王之氣象矣

惜乎高帝氣血雖厚而無問學之功又無真儒以開導啓沃至以

功業驕其父兄富貴爵祿驕其臣子已為天子而目父為太公先

媪曰昭靈夫人薄其親矣伯氏之子封為亭侯侯倫舊怨矣三臣

何罪而蒙赤族之誅太子何嫵而有廢立之意佞趙敖以招壁人

之謀械劉敬以致自登之園婚冒頓而貶損中國散尊托牝雞而自殘已之宗裔其後趙王不得其死而惠帝竟以駭沒可悲也夫惠帝仁柔之資內脩親上外禮宰相天下治安刑罰罕用民務稼穡積衣食滋殖優禮齊悼趙隱恩敬篤矣不幸遭呂氏虧損至德仇陷戚姬勦死趙王而使帝昆弟之誼虧過愛魯元納甥收為后而使帝夫婦之倫亂因張后無子殺後宮美人取其子以為嗣而使帝父子之親不自惜哉

呂氏臨朝反道背約款王諸呂平勃之徒皆唯也從之幸而左袒為劉漢祚復定向使酈寄不可劫呂祿不可給紀通之符節不可矯北軍不納而呂頹謀行則漢亦殆矣故曰人臣之義當以王陵為正

文帝躬脩節儉玄默化民後宮無曳地之衣露臺惜百金之費欲厚風俗則除誹謗而示朴實歆恤民隱則耕籍田而減田租歆聞直言則詔舉賢良而止輦受䟽歆禦戎狄則親閱材官而視師細柳然又不輕用武專務以德化民其忠信可行于蠻貊是以當時吏安其官民樂其業蓄積歲增戶口蕃息刑罰大省幾至刑措恭儉之德雖詩書所稱何以加焉但其踐祚之初遽仇異已興居走死朱虛擯斥淮南戕辟陽而無罪絳侯以說諧而寘獄信玉盃而改元之事興倡短喪而奪情之名起迹其所為又若未能盡同於古而先哲王者先儒謂帝大醇而小疵是也

景帝天資刻薄挾數任術以無寵廢正后以無罪廢太子過愛梁王輕許傳位而兄弟之好不終誑申屠嘉罪張釋之戮晁錯殺周

亞父而君臣之道乖闕吳王世子來朝以博爭道至投局殺之七國之反實激于此獨其節儉不妄費育民以致殷富一節為克遵前業耳史稱周有成康漢有文景然文豈景之可比哉善哉子由致堂之論曰文帝寬仁大度而有高祖之風景帝刻薄少恩而無人君之量文帝以德化民無事則謙抑如不能有事則英武奮發景帝以智數繩下平居則誅賞肆行緩急則恐懼失措其大致懸絕如此

武帝即位之初罷黜百家表章六經以蒲輪迎枚生見主父而嘆息群士向慕異材輩出仲舒顯于經術倪寬擢于法史衛青奮于奴僕日磾出于降虜以至司馬遷相如之文雅張騫蘇武之奉使韓安國鄭當時之推賢汲長孺之質直石慶之篤行霍光之受遺興造功業卓乎可觀號令文章煥然可述誠哉有為之君也惜其英銳少壯之年當盈成富強之世雄心猖獗莫可止禦雖仲舒勉強之言申公力行之語汲黯多愁之戒皆弗聽也內增七校外置樓船起上林苑建柏梁臺作長安飛燕之館為魚龍角抵之戲南開西粵西關五都于闐大夏悉置都護車師鄯善俱種屯田瘡民蝗國海內虛耗蓋自其兵役之興轉輸饋餉之煩也而農民困自其幹鹽鐵置鈞輸筭商告緡也而商人困自其立轉送之法而入財補卽也而世家之子弟困自其差出馬也而封君至吏三百石以上困自其造皮幣省酎金也而列侯困夫上自列侯封君而下至于庶人皆困且竭矣歎家國之殷盛得乎卒之犀皮玳帽之珍不足富虛帑枸醬蒲萄之味不足以飯饑民左賢右賢之國不足

以雪將降之耻蒲梢龍種之馬不足以償戰死之魂朱崖朔方之郡不足以補流亡之戶漢之不亡亦幸矣且其平生繆戾又不止此射南山而杜鄴之令寒心止逆旅而栢谷之翁奮臂田蚡怒而竇嬰殺張湯忤而狄山死顏異以反唇而見誅史遷以微罪而下腐信少君而怪誕之說興任江充而巫蠱之禍起故昔人謂其一喜桑孔禍及黎氓一喜衛霍禍及邊鄙一喜張趙禍及大臣一喜江充禍及父子矣亡秦之續豈虛語哉嘗反覆武帝之所為而觀之鹽鐵權酷即秦之頭簪箕歛也監臨部主即秦之叅夷相望也騎驃式師即秦之窮兵黷武也文成武利即秦之方丈蓬萊也千門萬戶即秦之阿房閣道也殺戾太子即秦之殺扶蘇也其異於秦者無幾矣然秦亡而漢不亡者豈無故哉蓋秦用商鞅酷刑罰而高文以來積累寬仁本不同一也二世增始皇之過而孝昭改武帝之失末不同二也始皇蔽塞下情而武帝疏通言路秦皇焚書坑儒而孝武好賢不倦其為治不同三也又况盜賊雖興終無豪傑橫歛四出不增正賦此其所以異于秦歟夫如是奚其喪弗陵既立是曰昭帝以童稚之年而識上官桀之詐何其明也始元元鳳之間匈奴和親百姓充實舉賢良文學問民疾苦又何其賢也使天假之年而得伊周之徒以輔之其事業詎可量耶雖曰起雲陵而禮制荒尊鈎弋而嫡妾亂燕旦逆而弗治韓福召而弗用祠鳳凰于東海播狙詐于樓蘭此則霍光之不學而未可盡咎乎冲人也

宣帝起自閭閻勵精為治綜核名實信賞必罰求直言省屯兵減

天下鹽價遣使者巡行郡國每拜刺史必親見問故漢世良吏于斯爲盛而儒術文雅亦翕然中興然當是時法制過詳而道德不足故人情滋偽而蔽詐橫生王成以偽增戶口旌宋疇以不愛祥瑞貶王吉以上䟽而讞病王褒以進頌而求神博平錫爵阿保賜物施爲如此又何以侔德高宣且用恭顯而啓元帝之信宦監貴許史而啓成帝之任外戚戮楊韓而啓哀帝之誅大臣啓三大釁卒以亡漢其弊皆原擇術不精而學申韓不任周政而雜霸道者致之也故先儒直謂西京之亡自宣帝始蓋以文景養民之意至是而盡消磨矣豈不惜哉

元帝之初期月而有恭儉愛民之事四焉以公田振業貧民賦貸種食損膳省樂以振困乏罷公館減獸馬是也文景初政亦不能及然治道不進反爲基禍之主何哉優游不斷戚宦用事大本不立旋復昏憤蕭劉下獄不省廷尉弘恭石顯陰殄漢脉望之自裁于府第張猛引決于公車京房以去讒而棄市陳咸以不阿而城旦誅賞予奪一出顯手漢業之衰于斯決矣

成帝善脩容儀臨朝淵嘿可謂有穆穆天子之容者然荒于酒色趙氏亂內外家擅朝考其當世天地變異兩月相承三日江竭地震同日隕石同時地震殿中雉集宮闕四月丹雘桃李秋實皆女寵陰盛之所致也漢火之燔不亦宜乎

孝哀即位益彫丕緒縱傳母而國法虧死王嘉而忠義息至使姦人覬覦一旦得志中山箕子不殊委裘太后臨朝賊莽居攝戮鮑宣何武而海內震劾班穉公孫閱而不順斥逢萌以之掛冠彭宣

以之乞骸孫寶以之賂辜甲屠劉以之罷黜而臘日椒酒孝平遂
弒劉崇攻宛無成翟義起兵不克吹上孺子黜居四壁一時臣庶
悉墮賊黨揚雄劉向死有餘愧費興田况免歸為幸而當時潔身不仕者
僅惟龔勝陳咸郭欽蔣翊而已薛方以遜辭免蘇章以儒生去貞而不
諒庶乎達者金匱拜封王田改制生民愁怨聚為盜賊矣

漢祚中微奸雄竊據

隗囂據隴西○公孫述據成都○劉永據淮陽○盧芳據安定○李憲據淮南○張步據

齊○秦豐在楚○董憲起東海○延岑起漢中○田戎起夷陵○銅馬○赤眉盜名字者不可勝計光武

以孝景之裔膺受命之符慨然發憤延攬英雄驅除僭偽漢室復
興待王即劉盆子以不死戒馮異以安集關中不務戰勝攻取雖
當草創之時隱然有帝王之遠畧矣故麤戰昆陽人服其武司隸
入洛人服其度持節渡河人服其德此三者中興之本也元年首

以卓茂為太傅封褒德侯而當時多循吏天下畧定即起太學親
臨視之而東都盛儒學徵二處士而末造多節義之士此三事尤
有關於風俗運祚之大者且文監先漢之弊而事為之防監高帝
之溺冠嫚罵而聘賢良監武帝之千門萬戶而崇儉約監宣帝之
不用儒生而愛文學監元成之優柔不決而更事精明昔也疏士
太奢叛者九起我是以不封功臣昔也刑人弄權恭顯煽禍我是
以不貴宦豎昔也大臣執柄新室移鼎我是以事歸臺閣昔也尾
大不掉七國稔釁我是以除諸王賓客昔也外戚用事呂霍薦置
我是以不使外戚干政昔也不量事力納耻平城我是以卑辭厚
禮而撫匈奴之使昔也好大喜功海內虛耗我是以閉玉關而謝
西域之質昔也務在虛廣費用不支我是以併官職而省郡縣其

規模建立皆有大過人者然廢郭后易太子殺韓歆斥桓譚貶馬
援封子密用讖言而行封禪信亦符而拜王梁又以吏事責三公
而使大臣不得盡心以謠言易守宰而使守令不得盡職此數事
深爲中興之累惜哉

明帝天資聰察嚴明方正而尤垂情古典游意經術起靈臺辟雍
之制行大射養老之禮期門羽林悉令通經諸王子弟咸尚文學
歲比豐稔百姓殷富故永平富教之事綱目屢書于策其間有終
綱目所無者二事匈奴遣子入學日食詔群臣極言得失復以示
百官是也但其賦性偏私好為隱發左右大臣數被詆毀近臣尚
書至見提曳怒燕松而自起撞即叱寒朗而急促提下治楚獄而
濫及無辜徒淮王而株連小過百官上壽則驕溢生度遼置營則
匈奴隙且近詔劉英則蔡邕之愚術遠逐胡鬼則無窮之禍開而
東漢缺亡之風後世浮屠之教已樹于此

章帝公平寬大有光前烈然馬議封而竇厥蒙寵重遠毋訓啓豐
移權耿恭以盡力免官梁竦以無罪陷逆竇憲奪主園而不戮朱
暉守正議而切責太子廢而清河鄭弘收而骸骨所謂白璧之玷
也如此

孝和貌孤權歸竇憲報韓紆之讐則懸頭于勳承忌都鄉之寵則
刺暢于屯衛郵壽以拒玉而徙亡樂恢以上䟽而逼鳩權勢赫奕
已非朝夕而帝以幼冲之資乃能毅然英斷元亮就刃惜乎權奸
旣除而閹官用事遂為漢家基禍之主其原蓋自鄭衆鄭鄉之封
始也

孝殤天沒清河入嗣安帝不德政由鄧氏衰敝以不阿權貴而殺身任尚以頡頏外家而奔市鄉康以陳書切責而去籍杜根以請后復辟而撲囊偽詔歐刀而寵奮誤夕陽飲醜而陽震卒任保母伯榮而威單壁樊豐耿寶而權奪一旦乘輿不諱北鄉繼沒孫程舉事閭顯就戮濟陰靖國是曰順帝夫何王所非居州君側無子思宋娥不當封而封龐參不當免而免虞翊不當囚而囚梁冀不當用而用王懿不當罪而罪中官養子不當襲爵而襲爵後來賢主反為一蠹而甫成焚禮盜發憲陵與安帝南遊不反者同一軌轍蓋二君寵信宦官任用群小崇獎外戚微功夷狄所以稔亡漢之禍者不但釀于桓靈而已濫觴于安順之世矣

冲帝夭折渤海蒙毒當時李固諸人竟不推拔扈逆臣之罪而悠

悠奏記畧無少補蠡吾旣立清河貶死梁冀橫於前宦豎亂於後李固之死以重望杜喬之死以金蛇陳原之死以憤奸吳樹之死以拒托陳授之死以告變崔琦之死以諷箴陳蕃殺使客而左迁馬融謁不疑而髡答梁氏之惡極矣旣而大奸甫滅群兇復起楊秉朱穆旣以忠言橫見殘執而李雲杜衆復以直道繼踵受誅黨錮興而豪傑盡田聖龍而梓宮辱帝之不諱尚誰他對劉儵定策解甯是議節甫擅權趙婕鼓亂梟陳竇而血都宮之首基李固而溢長安之獄曹嵩抱永昌之痛蔡邕飲朔方之恨陽球劉納駢首受戮劉陶陳耽鞅掌畢命鴻都門學耻見葉松之像而宣陵孝子不盡行謀臣之說君子以是知靈之所以為靈也故一變而黃巾再變而董卓三變而催玳四變而曹瞞五變而魏丕而炎漢之祚遂

斬吁漢之云豈一獻哉

總論

兩漢君

評曰定天下有創業之規治天下有守成之法非天下之至聖固不足以創業非天下之至仁又安足以守成哉昔者高帝起豐沛寬仁大度人服共量好謀能聽人服共聰知人善任人服共明此三者得天下之本也且約法三章以順民心過魯一祀以崇聖道與夫屈三傑之策高四皓之名而規模宏遠矣惜其詩書不事制多襲秦則治具豈能畢張耶世祖起春陵慶戰昆陽人服共武司隸入洛人服共度持節渡河人服共德此三者與天下之本也且開孝校以修禮義閉玉關以謝西域與夫褒

卓茂之賢高嚴光之節而法度彰明矣惜其三公不任事歸臺閣則中興豈能盡善耶孝惠開言路而納叔孫之諫廣文學而除挾書之律可謂寬仁矣然綱常之理或有未盡也孝文絕遊畋而却千里之馬罷露臺而省百金之費可謂恭儉矣然禮文之事謙遜未遑也景帝遵守成業蠲民租減筭法倉廩府庫朽不可校其移風易俗何如也然刻薄任數而背理傷道之事頗多向微節儉一事則治亦不足稱矣武帝表章六經舉俊茂興太學號令文章煥然可述其雄才大畧何如也然好大喜功而勞民傷財之事不少向微輪臺一詔則國亦幾乎危矣昭帝年本童穉而知霍光之忠何其明也一時善政舉用賢良咨詢民瘼而盜鐵權酷之事悉從罷議惜夫雷其年而成康之治不復見矣

宣帝起自閭閻而知小民之艱何其勵精也一時美政信賞必
罰綜核名實而文學法理之事咸精其能惜治雜于伯而文景
之治不復存矣以至元之優柔成之荒淫哀之剛愎平之幼弱
而莽賊遂移矣孝明崇儒術明法令信乎聰矣而提曳近臣斥
辱公卿其無人君之度乎孝章理冤獄罷遠征信乎寬矣而寵
任貴戚動搖國本其無剛健之才乎和帝雖奮發而權歸宦者
殤帝雖踐祚而僅得百日安帝御世不能削鄧氏之權順帝寵
邪何以勝封矣之濫以至冲之廢質之弑桓之昏靈獻之靡而
元竟於是乎召難矣或曰高祖之創業光武之中興有優劣乎
曰其大體無優劣也若其節目則高帝明於知人而料事不如
於光武不免有平城之圍光武熟于料事而知人不如高帝不免
有龐萌之失高帝盡功臣之才而不能全其身光武全功臣之身
而不能盡其才特其一二節之差殊耳若夫高帝不知尊太公
而溺愛戚姬光武廢東海王而黜郭后其於脩身齊家之道皆
不能無歎焉或曰高帝之後有文宣光武之後有明章亦有優
劣乎曰文帝有王者之規模終成富庶之風宣帝有雜伯之氣
象實啓刑名之慘二者固不同矣明帝施剛於嬖友之世不免
鍾離意之譏章帝施柔於弗友之人愈滋膏蜜之橫其戾於剛
柔正直則一耳或曰武帝合德于宣者也比而言之可乎曰武
帝所爲去秦皇未遠幸末年有悔過之心宣帝所爲去周宣不
遠惟末年多兆禍之事宣帝苟不爾不特優乎武帝而已或又
曰先漢之有文景猶後漢之有明章之相繼也參景以論章可

乎曰文帝之後有景帝寬仁少衰明帝之後有章帝苛刻少衰
自始觀之若有殊耳然景過於薄李以來吳楚之兵章過於厚
不能戢外戚之累其爲害則一而已反復兩漢之世大抵仁義
忠恕政簡刑清如七制之盛者兩漢之所以興也母后擅權宦
戚用事如七制以下者兩漢之所以亡也

西漢臣

評曰歆論一代之人才當論一代之人君何也愚嘗考之史矣
在高祖時則有三傑鎮國撫民運籌決策而立戰勝攻取之奇
勲三傑以功名自顯以高帝所尚者在功名也在文帝時則有
周勃托孤寄命效勞竭忠而建諸呂安劉之偉績勃以重厚見
賞以文帝所尚者在重厚也景帝尚刑名而晁錯刑名之術隳

雖激變七國何恤焉武帝尚征伐而衛霍征伐之計行雖毒流
四海何顧焉宣帝綜核名實而政事文學之士咸精其能元帝
仁柔好儒而貢薛韋匡之賢相繼為相此無他持章甫以適越
則越人無所用抱琴而之鍾期之門其賞音也必矣雖然待文
王而興者凡民也若夫豪傑之士雖無文王猶興吾子高祖之
臣而得張良焉于宣帝之臣而得丙魏焉于文帝之臣而得賈
誼焉惜其有長沙之擯也于武帝之臣而得董仲舒焉惜其有
江都之斥也之數子者似非漢廷人物予故表而出之

高祖定元功十八侯位次

歌曰鄼侯蕭何功第一

平陽曹參乃其次

宣平張敖絳周勃

舞陽樊噲在五位

曲陽酈商魯奚涓

夏侯嬰封汝陰地

第九穎陰侯灌嬰

傅寬應受陽陵秩

靳歙旌封武信侯

安國侯兮王陵是

棘津陳武列十三

清河割土侯王汲

廣平崇秩錫薛欽

汾陰周昌原口吃

陽郡丁復當十七

曲成侯兮蠱達畢

漢朝高祖定元勳

帶礪山河同廟食

宣帝圖功臣於麒麟閣十一人

歌曰博陸侯姓霍

圖形獨不名

謹厚張安世

韓增持用兵

靖邊趙充國

制治魏丙精

杜延年以安和著

劉德無過一技能

梁丘賀 蕭望之

以文學 顯一時

蘇武節嶢嶸

何獨後丹青

東漢臣

評曰東都之興也以名節而其亡也亦以名節夫教化國家之急務也而俗吏慢之風俗天下之大事也而庸君易之自非識深慮遠者安知其為益之大而收功之遠哉且東都之興也創之於光武繼之於明章其時攀龍麟附鳳翼而扶翊其運者則有鄧禹等之賢將也披羊裘托耕釣而不屈其志者則有嚴光等之高士也故教立于上俗成于下其厚重清脩之士豈惟見重於縉紳而亦見慕於衆庶其愚鄙穢汚之人豈惟不容于朝

廷而亦見棄於鄉里然則東都之興孰謂不本於此乎奈何孝
和以降政治日衰然綿綿而不至於亡者上則有公卿大夫如
袁安楊震李固杜喬陳蕃李膺之徒面折廷諍用公議以扶其
危下則有布衣之士如符融郭泰范滂許劭之流爭持風裁立
私論以救其敗曰三君者言一世之所宗也曰八俊者言一世
之所英也曰八顧者言能以德行引人者也曰八及者言能道
人以追宗者也曰八厨者言能以財救人者也之數子者身負
重名口銜清議是以政治雖濁風俗不衰至有觸冒斧鉞僵仆
于前而忠義奮發繼啓于後隨踵就戮視死如歸夫豈特數子
之賢亦光武明章之遺化也當是時苟有明君作而振之則漢
氏之祚其可量乎不幸重以桓靈之昏虐加以奸權之僭竊廢
錮英俊屠害忠良而委身於漢賊者反得以自全然則東漢之
亡或者不能無咎於此也

明帝圖功臣于雲臺二十八人

歌曰鄧禹為首次馬成

吳漢王梁賈復京

陳俊耿弇及杜茂

寇恂傅俊與岑彭

堅鐔馮異暨王霸

朱祐任光祭遵承

李忠景丹合萬脩

盖延邳彤亦其儔

姚期劉植耿純同

臧宮馬武并劉隆

二十八將應列宿

奮其智勇扶皇轂

又以王常逮李通

竇融卓茂附其終

原圖上下分兩列

是故一優間一劣

丹青炳燦雲臺中

椒房馬援辜其雄

顧厨俊及

歌曰竇武陳蕃劉淑者

一世所宗為三君

李膺荀昱與杜密

王暢劉祐同名稱

魏朗趙興及朱寓

謂之八俊言人英

郭泰范滂兼尹勳

巴肅宗慈夏馥因

蔡衍羊陟為八顧

能以德行引乎人

張儉翟超岑暉同

范康劉表陳翔從

孔昱檀敷為八及

能道乎人追其宗

以財救人固為好

度尚張邈共王孝

劉儒之儕胡毋班

秦周蕃嚮王章老

黨獄從茲無曰虛

漢基都為王曹擾曹鄴王甫

兩漢儒

古之儒者有其實後之儒者有其名蓋儒道與天地並不以古昔而有不以後世而無顧人之所存何如也粵自西漢尚經術而一時儒者皆以經術進固可美矣然以春秋為學者誣水旱以濟私以尚書為孝者緣刑名以飾治孝詩者而輔相之功不著孝易者而考課之法不行則所謂經術者特名而已果足以明帝王之道乎時惟賈誼治安一策通達國體董子天人三策切中帝心庶幾乎儒道矣奈何三表五餌流於諛巧而縱陽閉陰溺於災異君子每於斯而不足焉他如孔光張禹諂佞成風杜欽谷永忠義掃地皆吾道之罪人也豈可以儒稱之乎東漢尚氣節而一時儒者皆以

氣節著固可嘉矣然以稽古爲學者乃晉意於車馬以明經爲
學者乃溺情於青紫學狂者而通變之才安存學狷者而經濟
之畧安在則所謂氣節者特名而已矣果足以體聖賢之道乎
時惟嚴光桐江一釣國家有賴李膺龍門一登士夫有幸庶幾
乎儒道矣奈何羊裘之服有意求名標榜之立其心賈禍君子
每於斯而不滿焉他如成綰坐嘯貽譏於世胡廣中庸取媚於
時亦皆吾道之罪人也又可以儒稱之乎不寧惟是易也有費
直之理學有鄭興之數學書也有伏生之今文有孔氏之古文
詩則齊魯韓毛之殊其家春秋則左氏谷梁之異其傳禮則大
戴小戴之分其派樂則昭容禮容之別其名馬融之通五經何
休之精六經鄭玄之疏九經而歐陽生夏侯勝胡毋生嚴彭禮
皆經之名家也董鈞之號通儒常賢之號大儒賈逵之號純儒
而高堂生梁丘賀顏安樂鄭康成皆儒之領袖也帶經而鋤有
若倪寬解經不窮有若戴憑而以禹貢行河者有若平當焉志
學而篤有若疏廣好學不倦有若王吉而以洪範進講者有若
李尋焉叔孫通起朝儀楊雄作法言而馬超之史相如之賦王
褒之頌可多得乎貢禹定廟祀崔寔作政論而黃憲之量荀爽
之仁蔡邕之孝可易能乎忠義凜凜者劉向之與周湛也議論
鯁鯁者師丹之與桓譚也而陸賈之著新語許慎之著說文豈
非知古而知今者乎德行循循者丁恭之與鍾興也文質彬彬
者丁鴻之與盧植也而翼奉之論六情劉歆之論七畧豈非有
識而有見者乎常昭王肅虞翻劉劭明經而潔行楊震袁安李

固喬扶顛而濟危時至於漢此何時耶問其君則詩書不事也問其臣則智術相高也問其治則黃老是尚也抑何儒之多耶然以其實而求之則於聖人之道均之爲未聞矣然則學者將何所適從哉噫素王出而端拜秋陽之皜皜亞聖生而敬仰泰山之巖巖嚴微斯人吾誰與歸

兩漢治

評曰有治天下之大本有治天下之大用何謂本三綱是也何謂用萬目是也三綱正而天下之大本以立萬目舉而天下之大用以行則治具備張矣惜乎漢治不足以語此何則唐虞三代遐哉邈矣春秋征伐戰國縱橫而帝王爲治之綱目不復存也逮漢高興發義帝之喪戮丁公之叛則君臣之義明矣從四

皓之請割衽席之愛則父子之情著矣尊禮太公明有孝也大封同姓明有親也內脩親親外禮宰相者惠帝也而薄后有疾問以湯藥吳王不朝賜以几杖非文帝乎篤厚其兄保全其臣者光武也而奉承母后孜孜不倦友愛諸弟拳拳不忘非章帝乎經術所以講明此綱者也而西漢尚經術則詩書禮樂皆潤澤生民之具矣名節所以維持此綱者也而東漢尚名節則仁義道德皆涵養風俗之本矣夫大綱之正固可爲羨矣然細行不矜尚爲大德之累萬目未舉豈不足爲治之累乎是故陸賈勸詩書而不事其心于馬上之治賈誼勸禮樂而未遑溺情于黃老之術李校所以教民也而功利其心申韓其說則所以教民者果三代教民之法乎限田所以養民也而阻于貴倖奪于

權勢則所謂養民者果三代養民之法乎取士雖有四科四善之目而爵賞濫及則三代造士之意泯矣約法雖有三章九章之格而功臣就戮則三代制刑之本微矣南軍北軍之兼設而三代寓兵於農之意恐不如是之紛紛也太廟原廟之並建而三代尊祖敬宗之心恐不如是之屑屑也漢之所以為治者如此故在當時海宇之民烟火萬里特庶之而已阡陌之間馬匹成群特富之而已雖曰黎民淳厚而蕪并豪黨之徒弄兵干潢池者有矣雖曰風俗移易而飲食服御之類僭擬于主公者有矣吏稱其耿而非群后之德讓也匈奴和親而非四夷之來王也求其治如三代之盛者其可得乎或者謂漢治雜伯于茲乎見矣

後漢紀附魏吳

昭烈姓劉名備景帝子中山靜王之後獻帝末累官至益州牧及曹丕篡漢遂正位于蜀號曰後漢在位三年

後帝名禎昭烈太子在位四十年降于魏後封為安樂公

魏

文帝姓曹名丕操之子逼漢禪位立七年

明帝名叡文帝太子在位十二年

齊帝名芳明帝太子在位一十四年為司馬師所廢

高貴鄉公名髦文帝長孫在位六年為司馬昭所弒

元帝名璜操之孫在位未及六年為司馬炎所逼

吳

太皇姓孫名權堅之子自立為帝在位二十三年

會稽王名亮太皇帝太子在位六年為孫琳所廢

景帝名休權仲子在位七年

烏程侯名皓休之姪在位十六年降于晉封歸命侯

叙曰漢有天下始於劉備終於後主其君二其歷年則四十三

也魏有國基於曹操始於丕終於陳留其君五其歷年則四十六也吳有國始於孫權終於烏程其君四其歷年則五十二也歌曰漢始昭烈終後主

魏文明齊高貴公

傳及陳晉王已矣

吳王既逝會稽逢

止於景帝及烏程

是為三國相憑陵

後漢討賊為正統

魏吳滅漢皆篡臣

論曰昭烈以帝室之胄而輔之以孔明王佐之才然荊州一亂英雄無用武之地劉璋繼取不免踐田奪牛之誚先正所謂經權俱失者此也是以吳強於東魏盛於北而堂堂正統卒偏安於西蜀之地劉禪暗弱孫皓殘酷曹髦不振三朝之鼎一轉而為司馬氏之所據焉

摠論

三國君

評曰春秋作而正統之義立綱目脩而正統之論定蓋正統有關於天下也大矣義不立則割據僭竊或得而干之論不定則偏見異說或得而亂之此春秋之作綱目之脩皆所以扶綱常植名分為世道計也粵自三國鼎峙四方幅裂志於功名者徒知有成敗而不知有順逆事乎奔競者惟知有吳魏而不知有昭烈則正統不明於天下也久矣今考昭烈之為君也寬仁大度屈體群豪宛乎高祖之風摧沮掠敵因敗為功偉乎英雄之氣雖勢孤力弱而志節愈勵雖顛沛流離而信義愈明遂能奄有巴蜀君臨一隅其視曹馬輩欺孤弱寡孤媚以取人家國者曾大幾

之不若也况又出自中山靖王之後而輔以孔明王佐之才以之紹漢正統名正言順夫復何疑此則朱子之獨見有以正千古之謬而垂萬世之法也若夫魏之曹丕襲曹操之勳雅好文學講論經理似可取矣然挾詐懷奸不能興漢而甘心於篡漢顧乃妄比舜禹以欺世是乃天下之賊而王法之所必誅者也繼以後嗣昏亂而身殞於賊則天之報信乎其甚明矣吳之孫權承孫策之烈屈身忍辱任計尚竒似可嘉矣然見利忘義不能討賊而甘心于助賊顧乃襲殺關羽以拒蜀是亦天下之賊而天討之所不赦者也繼以後嗣殘酷而面縛於人則天之報信乎其不爽矣論而至是則知紹漢之正統者蜀也竊漢之正統者魏也亂漢之正統者吳也然則昭烈之明孔明之才君臣相得魚水相懽而卒不能興復漢室者何也譬之人焉家道陵夷而豪奴悍僕僭據於內則其家之故子遺孫且區區於外收寸土以為興復計亦云難矣嗚呼民心思漢以王即假之而有餘民心去漢以孔明留之而不可向使昭烈有年孔明不死則漢祚猶未可量也彼以成敗論人以正統與魏在司馬公且然而况於陳壽乎以是知綱目脩而亂臣賊子懼朱子有功於世道也大矣

三國臣

評曰古之君子唯計其在己者不計其在天者蓋事有順逆在己者也功有成敗在天者也在己者可必在天者不可必也尚論三國之人才者當以順逆論不當以成敗論也何則漢祚既

移三國昂峙論順逆則蜀爲順論成敗則蜀爲無成論人才而以成敗論魏則賈翊實良平之亞杜畿當蕭冠之牽而苟或之才畧以義報國張遼之謀勇以寡勝衆皆其表之者也吳則呂蒙有國士之量陸遜有良將之才而周瑜之明斷決策有魯肅之忠烈臨事不苟皆其彰之者也之數子者若在所取之然以順逆觀之則曹最爲逆而吳亦未嘗有興復之心而先主乃中山靖王之後諸葛孔明才本王佐而管樂之自比躬耕南陽而梁甫之是吟感乎先主有三顧之勤遂以天下爲一己之責出師二表無愧乎伊訓說命之言八陣一圖有同乎黃帝太公之制忠肝義膽對越乎神明紀綱法度庶幾乎禮樂以至西掖祁山而不賀南擒孟獲而不誅其視曹馬輩不可同年而語也明矣奈何蜀壠之師方興而營中之星已殞卒使漢祚不興功業不就惜哉他如關張爲萬人之敵黃忠冠三軍之勇蔣琬負社稷之器龐統非百里之才雖不敢擬諸葛之高風而亦一時之豪傑也嗚呼事順而不逆者人也功敗而不成者天也人則自盡而天不可必論人才者豈可以成敗目之哉

一曰... 二曰... 三曰... 四曰... 五曰... 六曰... 七曰... 八曰... 九曰... 十曰...

之豪傑也為知事則而不為晉人也飲酒而不為晉人也入限
并野之器雖幾非百里之才雖不難堪而高風而亦一邦
業不流昔姑也聞聚為萬人之嫡黃忠錄三軍之勇林樂資
即矣奈何置識之相不與而營中之星已斂卒對黨亦不與也



... 卷四 ... 七 ...

書

壹

兆
良公

兆

壹

辰